



საქართველო


ნახატებიანი

ეურნალი

172. 4

იზარდოვან ჯუჯილთ,
დაპუდოვან განდიანად!

ი. დ.



იანვარი და თებერვალი, 1923 წ.

წელიწადი მეოცდათერთმეტი.



ტფილისი

პოლიგრ. განყოფ. მე-3 სტამბა, კალოუბნის ქ. № 6.



ზამთარში.

150



ზამთრის სურათი.



ეკვავენ, ტრიალობენ, ცეკვავენ ფრიალობენ და ნარნარი რხევით ყველგან ეფინებიან, სტუმრები არიან ყველასი, ყველასი: მთის მწვერვალების უღრანი ტყეების, ველ-მინდვრების, სოფლების და ქალაქების. ფრიალობენ, ტრიალობენ

და ძვირფასად ნაქსოვ თეთრი კალთებით ძირს დედამიწას რთავენ — ჰქარგავენ. ჰაერში ათასგვარ სახეებს ჰქსოვენ ცეკვატრიალით, თუმცა ყრუ-მუნჯად, უსიტყვოდ... მოჭრიან ზემოდან ქვემოდ ნაზი ფიფქები, მაგრამ ამავე დროს გარინდებულ არე-მარეში ისმის შეუწყვეტელი ნაზი შრიალი. შრ... შრ... აი, ეს არის მათი სიმღერა, ეს არის მათი მაცურული, მათი დავლური და მათი ბაასი: ჩვენ ძეწნას პატარძალივით მოვქარავთ; ჩვენ კი პიტალო კლდეებს დევ-გმირებს დავამსგავსებთ; ჩვენ მოჭრილ ხეებს თეთრი ჩაღრით თავებს შევუხვევთ; ჩვენ ნაკადულისკენ მივჭრივართ, მის დაკლაკნილ ნაპირებს დაბასმულ ლეჩაქად დავეფინებით, რომ ტყის ლამაზმა ცრემლმა თეთრ არშიებს შორის უფრო ტკბილად იმღეროს და იჩუხჩუხოს“. — ჩურჩულობენ თოვლის ფიფქები ჩუ-

მად და შეუჩერებლივ, მოდიან-მოქრიან და შავგვრემან დედამიწას თეთრი ფერადებით ხატავენ—ალამაზებენ.

ნელ-ნელა ქრებიან რუხი ფერები დედამიწისა, ხშირი ბუჩქნარი შორიდან ჩაცუცქულ მშიერ მგლებსავით რომ იცქირებოდნენ, სახე ეცვლებათ, თეთრი საფანით იმოსებიან და ამის გამო თითქო ქრებიან. ტყე კი ირთვება, იქარგება თეთრი ყვავილით და დაბლა თავს ხრის მშვიდი—ნარნარი. სადმე ნაზი შტო ვერ შეიკავენს თოვლის სიმძიმეს, ღიღველა ბარტყივით მხოლოდ ოდნავ დაიწრიბინებს, მოტყდება და ძძიმე ტვირთი პაწია შტოსი, ბამბის ქელასავით ძირს რომ გამორბის, გზა და გზა ისეთ მტვერს უშვებს, ისე იბოლება, თითქო ცვეცხლი წაეკიდაო. ჩამოცვინდება ფაფუკ თოვლზე და თავისებურად გაიხმაურა. ეს ხმა მიჩუმებულ, გარინდებულ ტყეში უცნაურად მოისმის და ერთ წუთს ისევ გაქრება.

თოვლის ფიფქები კი მოქრიან და მოცუკვავენ, მათ არც დადლა ეტყობათ, არც მოწყენას შეიმჩნევენ; ხატავენ, ჰქარგავენ არე-მარეს დაუზარებლად და შემდეგ სადღაც მიიმალებიან.

ცას შერჩება შავი ღრუბლები, მაგრამ ძირს, დედამიწას კი გააქვს თეთრად ვარვარი. მაგრამ, როდესაც ცას ღრუბლები შემოეფანტება და ლურჯ კაბადონზე ოქროს რგოლი ამოაშუქებს, შეყინულ თოვლის ფიფქთა უმრავლეს თვალმარგალიტებს საოცნებოდ ააპრიალებს და იცით, მაშინ ტყე რა ლამაზია? დინჯი, ნარნარი, თეთრი გიროლიანდებით მოქარგული, ტყე სანთლებით გაკაშკაშებულ კეკლუც პატარძალს წააგავს.

ლამაზია, ძლიერ ლამაზი თოვლის ფიფქებით მორთული ტყე!

ცქვიტი.





მეფის შვილი თამაზა.

ზღაპარი.

(სასახლის ბალი)

- მეფე. შვილო თამაზ, აქაო და
დედის ერთა შვილი ვარო,
ისე აბნევ ოქრო-ვერცხლსა,
როგორც შეფეებს ანცი წყარო.
- თამაზა. მამაჩემო, ლამაზია,
როცა ოქროს ვესვრი ცასა,
მზეში ბრწყინავს საუცხოოდ.
უკეთესსა ვნახავთ რასა?!
ის წკრიალებს ხოლმე წმინდად,
როცა დაეცემა ქვასა.
ხოლო წყალში რო ჩაუშვებ,
მდინარესა ანკარასა,
თხლად გვაჩვენებს იმის ძირსა
თუნდა მეტიხმეტად ღრმასა.
პირიმზესაც მოსწონს ესა—
შენ კი ამბობ რასა? რასა?!
მეფე. შვილო, ოქრო და ეს ვერცხლი,
შენ რომ ასე აბნევ გარე,
ხალხის შრომა და ოფლია,
შუბლსა ხვოთქად მომდინარე:
მის მიწიდან ამოთხრის დროს
ხალხს უნახავს ბევრი მწარე.

- თამაზა. მე'რე შენ რა? კიდევ მოსკერ,
ხალხმა კიდევ ამოთხაროს,
შენ რას ნაღვლობ, რომ იმ ხალხმა
იშრომოს და ოფლი ღვაროს?!
- შეფე. ვერ გაიგებ, რომ აგიხსნა,
შენ მამათა გასაჭირსა,
შენ ნორჩი ხარ, გაუშლელი
სიყმაწვილის წყაროს პირსა.
შვიდ წელიწადს ერთხელა ვსჭრი
ფულს ხალხისთვის გასაჭირსა,
თუ მეტს შევსკამთ, დააკლდება
ობოლს, ოხერს, ბედით მწირსა,
და ეს ჩემი სახელმწიფოც
დაეცემა მაშინ ძირსა...
- თამაზა. მამაჩემო... მამაჩემო...
- შეფე. მამაშენი — მამაშენი
არ იქნება დღეის იქით,
თუ მის სიტყვას არ შეისმენ
შენ შვილურის თადარიგით.
აჰა, კიდევ ოქრო, ვერცხლი,
ითამაშე, ილალობე,
ოღონდ უნდა შენს ლალობას
წინ გაუვლო საზღვარ-ლობე;
აგერ ბალი, იმის ჩრდილში
ინავარდე, როგორც სიო,
მაგრამ ოქრო რა მოგეცი,
ფუქსდ აღარ დააბნიო.
თუ გადახვალ ჩემ სიტყვასა
და კვლავ აღარ აასრულებ,
დაგწყველი და შეგაჩვენებ,
ხელს აფილებ შენზე სრულებ. (გადის)
- თამაზა. (მარტო) როგორ მოვიქცე?..
(ამ დროს ბაღში გამჩნდება ნატარა ზირიმზე).
- ზირიმზე. თამაზ! თამაზ!
- თამაზა. აქეთა ვარ, ჰირიმზეო!

გადას. ო, ახლავე მანდ გავჩნდები,
გულის დარდი გაგიმზეო. (გადის)
(შემოდის) თამაზ!.. თამაზ!.. დავიღალე...
(დაჯდება)

რა კარგია მეფე ჩვენი!
ხალხისათვის განწირული,
ღვთიურ მადლად მონათენი.
ღღე და ღამე იმას ფიქრობს,
ვის რა არგოს, რა აამოს,
თავს მოიკლავს, კარგი არ ქნას
და ღღე ისე დააღამოს.
მაგრამ შვილი არ უფარვა,
ჩიტებს ესერის ოქრო-ვერცხლსა,
ეგ დაჰლუპავს ჩვენს სამეფოს,
ეგ მოუდებს მის ტახტს ცეცხლსა...
თამაზ, თამაზ ონაფარო,
სად ხარ, საით დაიღუპე?
თურმე წესი ბუნებისა
ბევრჯერ არის ისე წუმპე,
რო კარგ მამას და კარგს მშობელს
არ გამოსდის შვილი კარგი:
კარგი მამა ავი შვილით
არის თურმე მონაქარგი...
თამაზ, თამაზ! სად წავიდა
ის ხუჭუჭა, ცუგრუმელა?
თურმე ჩვენსა კარგ მეფესა
მამა ჰყავდა ჭკუა-ბნელა.
არ უყვარდა თვისი ხალხი
და, როგორც მტერს, მტრობდა ყველა,
მაგრამ დახე იმის შვილსა—
ხალხისაა იგი შველა...
თამაზ! თამაზ! საძაგელი
ნეტავ საით ჩაიყლაპა?
ეგ მამისა დამღუპველი
პაპა არის, პაპა, პაპა! (გადის)

- თამაზა. (პირიმზეესთან შემოდის მეორე მხრიდან)
წამო, წამო, პირიმზეო!
- პირიმზე. აბა, რისთვის წამოვიდე?
შენ ჩემ თხოვნას არ ასრულებ,
უარს მეტყვი, ვიცი კიდე...
აგერ, ჰხედავ ჩიტსა ხეზე?
შროშანია მგალობელი,
მზეს შეჰხარის ბრწყინვალესა,
მსურს აფრინდეს ლექსთა მთქმელი.
მსურს აფრინდეს, სხვაგან დაჯდეს,
გევედრები და ვთხოვ გულით,
ჯიბით ოქრო ამოიღო
და ესროლო მას შურდულით.
მიყვარს ცაში ოქროს ბრწყინვა
და წკრიალი მიწაზედა.
- თამაზა. იცი? იცი, პირიმზეო?
მამამ მითხრა: „თუ ეს ოქრო
მარჯენივ-მარცხნივ, წარამარა
დაჰფანტეო ოქრო-ბოკრო,
გაგადებო სამუდამოდ,
არ იქნები ჩემი ძეო,
სახლშიც აღარ შემოგიშვებ,
დი ჩაქრება შენი მზეო.“
შენ კი... აბა, როგორ მირჩევ,
მამის სიტყვა გავაძეო!
- პირიმზე. მიყვარს, როცა წყალში უშვებ
და ჩიტთ ესერი ოქროებსა,
ლამაზია სანახავად,
ჩემი სული ნეტარებსა.
- თამაზა. ჰო, მეც მიყვარს, აბა, მოდი,
ამ აუზში ჩავიხედოთ... (იხედებიან)
ჰხედავ თევზებს, წითლებია,
თითქო გულში ოქრო ედოთ.
რა წმინდაა, რა ანკარა!
იცი, რა ვსთქვა, პირიმზეო,

მოდის აქეთ, მოდექ ქვემოდ
და ამ ოქროს ჩაცურება
ამ აუზში კვლავ გავბედლოთ.
აჰა, აგერ ჩალივლივდა,
ჭავლი დაჰკრა ძირს სვლამ მისმა,
ძირს დაეცა, მაგრამ მის ხმა
კარგა აღარ ამოისმა.



აჰა, კიდევ!.. აჰა, კიდევ!
ხომ გემა, გაგეხარდა?
შირიმუკ. აგერ ჩიტო!..
თამაზა. აჰა, მასაც! (ესერის) აღარ ვესვრი ამას
გარდა.
შირიმუკ. ვერ მოარტყი, ის ტოტს მოხვდა
და წკრიალი გაიღო მან.
რა კარგია! აგერ კიდევ,
ფრთა გაშალა შოშიამან.

- თამაზა. იცი, რა ვსთქვა, პირიმზეო?
პირიმზე. რა?
თამაზა. ის, რომ ვარ ღონიერი.
პირიმზე. როგორ?
თამაზა. ასე: შემძლია
აგიყვანო და მეჭირო
ხელში დიდხანს. გინდა, ვცადოთ?
პირიმზე. აბა?
თამაზა. აჰა. (აიყვანს ხელში და უჭირავს.
ამ დროს შემოდის გადია).
გადია. უი, ქაა! რასა ვხედავ?!
(ცოტა ხანს შემდეგ)
თამაზ! თამაზ!
თამაზა. (დასვამს სანჯარად პირიმზეს)
რა, რა იყო, ძიძავ ჩემო,
რომ წაიღე გულის ყური!
თავისუფლად ამოსუნთქვის
გამხადე მე მონატური.
უკან დამღევ განუწყვეტლივ,
თითქო ვიყო უსუსური.
გადია. აგერ მეფეც მობრძანდება.
ვაი შენს თავს, ონავარო,
თუ რაიმე დააშავე,
თუ საქმე ჰქენ უყავარო.
მეფე. (შემოდის) შეილო თამაზ, დამენახვე,
გინახულო ხელახლადა,
ჩემს სიტყვას ხომ არ გადახველ,
ხომ არ მომკალ მამა მთლადა?
აბა, უკან დამიბრუნე,
რაც მოგეცი ოქრო დღესა,
ოქრო ხალხის საკუთრება,
ხალხის ოფლი, ხალხის კვნესა.
რაღა დუმხარ? რა უყავი?
დააბნიე კიდევ იგი?
არ გასწიე მამის ხათრი,

დარიგების თადარიგი?
შენ ჩემ სიტყვას არ იგონებ?
გასწი, მომწყდი თავიდანა,
გინდა, მოკვდი უბატრონოდ,
გინდ დაიკარ გულში დანა!
შორს! შორს ხალხის მოლალატევ!
მოლალატევ მშობელ ერის!
შენისთანა შვილი არ მსურს!
შენგვარი ძე არ შემფერის!
თვალით აღარ დამენახო,
დაიკარგე სამუდამოდ,
შენი ყოფნა ტანჯვა იყოს
შენგან ჩემი ტანჯვის გამო.
გასწი, გასწი, გადიკარგე!
მამის წყევლა გიძღვეს წინა
და აღარსად აღარ გქონდეს
ხალხის მტერსა ქვეყნად ბინა!

მ ი ნ დ ო რ ი ტყუე შ ი.

(გლეხები შკიან და თან მღერინან)

- 1 გლეხი. აბა, გაუტით ბიჭებო,
სვე გავიტანოთ ბოლოში.
- 2 გლეხი. მზე წამოვიდა ზევითა,
მწყერი გამოხტა ფრენითა,
გაუტი, გამაყვანე
სვე ქოთაკური ღრენითა.
- 3 გლეხი. აბა, ყოჩაღად ბიჭებო,
სვე კვლავ წინ წავაყენოთო,
ვიშოვოთ ქალი ლამაზი,
ხელმწიფედ დავაყენოთო.
ვაარალო... გოგოვ, გოგოვ,
შენიერო გოგოგოვ!
ვაარი... ვაარალო...
— ჰეგი!

— ჰოგი!

— ჰეგი!

— ჰოგი!

(შემოდის თამაზა).

თამაზა. გამარჯობა თქვენი, ხალხო!

გლეხები. ვაგიმარჯოს.

1 გლეხი. ვინა ხარ?

თამაზა. ერთი საწყალი კაცის საწყალი შვილი ვარ და, თუ მუშა გინდათ, გიშველით.

1 გლეხი. მუშა გვინდა, მაგრამ შენ სახეზე არ გეტყობა, თუ საწყალი გლეხის შვილი ხარ, არც ის გეტყობა, როგორ მუშაობა იცოდვ.

თამაზა. მაგას თავი გაანებეთ და მითხარით, რამდენ ვერცხლს მომცემთ დღეში?

1 გლეხი. რამდენი გინდა? ჩქარა გვითხარი, ნუღარ მოგვაცდენ.

თამაზა. რადგანაც გამოუცდელი ვარ ყანის მკაში, მე სხვებზე ცოტა ნაკლები მომეცით.

1 გლეხი. ხუთ დღეში ერთ ოქროს მოგცემ.

თამაზა. ძალიან კარგი. სწორედ სხვაგანაც მაგ ფასად ვიმუშავე.

1 გლეხი. აბა, გაუჯავრდით ყანას!

ვაარალო... ვარალო,

ვარალო ვარალო,

ვარი, ვარალო...

— ჰეგი!

— ჰოგი!

— ჰეგი!

— ჰოგი!

თამაზა. (მღერის) გენაცვალე, შენიერო,

გენაცვალე კაარგო!

ნეტა კიდევ შეგხვდებოდე,

და სულ არ დაგკაარგო!

(მუშების ხმა მიწედა. სკეს წაიღებენ ბოჯოსკენ)

(შემოდის ანთონაზე წამოსული ხალხი სანავარდოდ, დროს გასატარებდა. მათთან არის პირიმუხეც. ჟრას-მუხით შემოდის).



- 1 უმაწვილი კაცი. აბა, სად გინდათ, ქალებო, დრო გავატაროთ საფარდი.
- 2 უმაწვილი კაცი. ამ ჩრდილქვეშ სუფრა ვაშალებთ, და აქეთ ცეკვა-ნაფარდი.

1 უმაწვილი კაცი. აბა, გააბით მხარი-მხარს, სთქვით სიმღერები ტკბილები!
 ვეკლანი. (მღერაან) ჩუხჩუხით ჩამოდიოდენ წყარონი ოქროს მილებით.
 მეფე მტერია ხალხისა,
 თუ ავად ზარდა შვილები,
 თუ არ ჩააცვა თავის ხალხს
 ჩასაცმელები თბილები.
 მორბიან წყალნი საამოდ
 მთის უბეს ჩამოცლილები,
 ჩრდილნი საამოდ გაშლილან,
 მოწეულია ხილები,
 გვიმზერენ თვალნი ლამაზნი,
 თვალნი ლამაზნი, წყვილები.

(შემობიან გლეხები და შემოაქვთ ნამკვებით ხელეუ-
 რები, რომლებსაც მიაგებებენ სტუმართ):

გლეხები. გაუმარჯოთ აქა მბრძანებელთ, დაესწა-
რით მრავალს ამ დროს კეთილად, ჯან-
მთელად და ბედნიერად!

1 ემაწვილი კაცი. თქვენც გაგიმარჯოთ! აჰა, ოქრო,
ჩემ სახსოვრად წაიღე შინ.

2 ემაწვილი კაცი. აჰა, შენც, ჩემო ძმაო, იხარე,
იბედნიერე და იშრომე ხალხისთვის.

გლეხები. მადლობელი ვართ. ბედნიერად იყავით,
ქობილნო და დობილნო! (მიდიან)

შირამზე. მოიცათ, ძმანო!

გლეხები. რას გვიბრძანებთ!

შირამზე. ძმანო, თქვენთან ხომ არ არის

ყრმა ხუჭუჭა, ქოჩრიანი,

ტანთ აცვია გლეხურადა,

და სახე აქვს მეფის მგვანი.

მე იმ ყრმისა სინამდვილეს

ვინცა მეტყვის გულახდილად,

საჩუქარსა მივცემ ისეთს,

მზე შეებას გულზე ღილად.

1 გლეხი. აბა, რა ვსთქვათ, შევნიერო;

იქ ბევრია თმა-ხუჭუჭა,

მაგრამ მეფედ ვერვის ვიტყვით,

არ გვინახავს, თვალთ გვეხუჭა.

წამობრძანდით, თვითონ ნახეთ

მეფის მსგავსი, თმა-ხუჭუჭა.

(გადიან მუშები და შირამიან ისმის მათი
ხიმღერა).

გლეხების სიმღერა. ვარალო... ვარალო-ვარალო,

ვარალოო. ვაარი... ვარალო...

1 ემაწვილი. ზოგი კაცი ასე არის,

კარგს ფიქრობს და ცუდს აკეთებს;

ზოგიც ცუდის გამზრახველი

კაი საქმეს გააკეთებს.

გაუმარჯოს კარგის ჩამდენს!

კარგი საქმე კარგი არი!



კაი კაცი უყვარს ყველას
 და ღვთისაა თანაბარი,
 აბა კარგსა ვინ ჩაიდენს:
 ვინ მონახავს იმ მომკვლევს
 და რომელი დაუკოცნის
 მათ შრომისგან მოღლილ ხელებს?
 მე! ამ წუთას გავიქცევი,
 დავუკოცნი ხელს და თვალებს!
 ვენაცვალე იმათ შრომას
 და იმათ ბედს განაწვალე.
 იქნებ ვნახო იქ თამაზაც,
 იქნებ იგი მათთან არი,
 მე მზადა ვარ ყველაფრისთვის,
 ოღონდ ვნახო მეგობარი.

(გადის)

ჟველანი. ვაშა, ვაშა პირიმზესა,
 შვენიერთა ხელმწიფესა:
 მადლოს უშვავს და ღმერთს უზრდია,
 ხოლო შეუმკია მზესა.
 ვაშა, ვაშა პირიმზესა,
 შვენიერთა ხელმწიფესა!
 (შემოდის თამაზა).

თამაზა. სალამი თქვენდა!
 I უმაწვიდი. ვინა ხარ შენა?
 თამაზა. მუშა, გლახაკი.
 I უმაწვიდი. რისთვის მოხვედი?
 თამაზა. მენახეთ, ვინ ხართ, და მოგიტანეთ
 ეს ხელეური. ღმერთმა დაგასწროთ
 მრავალ ამ დროსა ბედნიერად
 და ჯანმრთელადა!
 I უმაწვიდი. ყრმაო, გეტყობა, ვილაცას ეძებ.
 თამაზა. და აქ არ არის ის შვენიერი.
 ჟველანი. მეფური სახე აქვს ამ ყმაწვილსა
 და მოგვაგონებს ხელმწიფის შვილსა.
 გვითხარ, ვინა ხარ, ლამაზო ყრმაო,

- შეენიერებაჲ, მზედ სანახაო?
ან რისთვის მოხველ, დაეძებ ვისა?
მიწისა არის იგი, თუ ცისა?!
- თამაზა. მკაში მოლლილნი რომ ვისვენებდით,
წამოველ აქა იმის იმედით,
ენახავდი ვისმე ნაცნობსა ყრმასა,
მაგრამ სუყველას ვხედავ აქ სხვასა.
- უკუღანი. როგორ დამწვარა მზეში ყოფნითა!
როგორ სველია შრომის ოფლითა!
მაგრამ სახე აქვს თითქო მეფური
და გამოხედვაც თავისებური.
- თამაზა. მშვიდობით და გთხოვთ ისევ იხაროთ
და, თუ გაწყინეთ რამ, შემეწყნაროთ.
(გაღის)
- უკუღანი. წავიდა იგი დაღონებული,
და თითქო იმედ გაცრუებული.
- 1 უმაწვილი. აბა, დასხედით, ისევ იღხინეთ,
დრო გაატარეთ, როგორაც წინეთ.
სიმღერები სთქვით ტკბილი და ძველი,
სუფრული იყოს უკანასკნელი.
მერე წავიდეთ შინისკენ მღერით,
რომ შეხების ქვეშ გამოვითვერით.
(მღერაინ. რა გაათავებენ, შე-
მაღის ზირიმზე. დადონებუღია).
- უკუღანი. დაღონებული რად ხარ ზირიმზე?
რად აღარ გიკრთის ვარდი ღიმილზე?
- ზირიმზე. ყველას ხელი დავუკოცნე,
ავასრულე ჩემი სიტყვა,
მაგრამ ვისაც დავეძებდი,
ვაჰმე, ის იქ არ დამიხვდა!
ჩემი ცნობა იმის გზასა
ვერ მიადგა და ვერ მიხვდა,
ვისი კოცნა შინდოდა მე,
მაგრამ, დახე, იგი ვის ჰხვდა!...
- უკუღანი. ღვისი კოცნა უნდოდა მას,

- მაგრამ, დახე, იგი ვის ჰხვდა!“
- პირამზე. თქვენ რას ნაღვლობთ, რასა დარდობთ.
 გააზადეთ სიმღერები,
 ვინც აქამდე ჰშლიდა ფრთებსა,
 მან გაშალოს ისევ ფრთები...
- (ცეკვას იწეებენ და ცეკვის შემდეგ მოისმის კლეხთა
 სიმღერა, რომელიც მკის გათავების დროს იციან ხალხი).
 კლეხთა სიმღერა. გაუმარჯოს! გაუმარჯოს!
 ორმოს ჩადი, ძველად გადი,
 შენ ძველი და სხვა ახალი,
 გაისტუმრე მტერ-მოყვარე,
 მდიდარი და შესაბრალო.
- პირამზე. მკა დაასრულეს. დასრულდა ღღეცა.
 გრილად გადმოდგა საღამოს ზეცა.
- 1 უმაწვილი. წავიდეთ შინა! მზე ჩადის მთებში
 და ახმაურდა ვარდ-ყვავილებში
 საღამოს სიო, მომბერი შეების,
 სიო მაშვრალთა ტკბილ მოსვენების.
 წავიდეთ შინა!
- (გადიან, მხოლოდ პირამზე რჩება.)
- პირამზე. (მარტა) ნეტავ კიდევ მაჩვენა,
 ვისთვისაც იქ წავედი,
 ვის გულისთვის ეს გული
 იწვის, როგორც აბედი.
 რისთვისაც მე დავკოცნე
 კოჭრიანი ხელები,
 ვისთვისაცა მაქვს თვალნი
 მუდამ ცრემლით სველები.
 ნეტავ კიდევ მაჩვენა
 ვისთვისაც იქ წავედი,
 ვის გულისთვის ეს გული
 იწვის, როგორც აბედი...
- (მოისმის სიმღერა მომკალთა, რომელნიც შინ მიდიან.
 მღერაინ მგზავრუდს).
 წავიდეთ მეცა, ჩამოვრჩი ჩემებს. (გადის)

(გლეხები შემოვლენ მგზავრულით და
გაიფლიან. თამაზა ეველაზე უკან მადის
და ბანს ეუბნება).

სამღერა გლეხთა. მოვდივართ მღერით მომკალნი

ოც—ოცი ათეულისა,
ხელში გვიჭირავს ნამგალი
მოყვარე მამეულისა,
მტერ-მოყვრის გამსტუმრებელი,
მალამო გლეხთა წყლულისა,
ამშენებელი საწყალთა,
გამკითხი დაჩაგრულისა,
მოვდივართ მღერით მომკალნი,
მადლი მაშვრალთა რჯულისა.

(გაიფლიან და სამღერა მაწელებს).

თამაზა. (მარტო) აი, რა თურმე ძნელი ყოფილა

შოვნა ოქროსი და ლუკმა პურის!
მე კი... მე... ისე ვიყავი უღვთოდ
დამბნევი ოფლის, ხალხთ მონაყურის.
ნეტავ ეს ჭკუა მქონოდა მაშინ,
ეს ჭკვა ჰქონოდა თვით პირიმზესაც...
ოჰ, პირიმზეო, ნეტა კვლავ გნახო,
რომ ყველაფერი გასწავლო ესა.
ოჰ, მამაჩემო, ნეტა შენც გნახო...
ნეტავ ნახავდე კიდევ შენს ძესა...

ს ა ს ა ხ ლ ი ს ბ ა ლ ი,

პირიმზე. (მარტო) თამაზ! თამაზა!

აი, აქ ხოლმე ვიყავით ჩვენა,
აქ გვიტაცებდა ცად აღმაფრენა.
მაგრამ დავშორდით გიჟური ქცევით.
ნუ თუ ცალცალკე ჩვენ დავიქცევით?!
რა კარგი იყო ლაღობა ჩვენი!
რა კარგი იყო ჩამონადენი
წყალის ჩქრიალი, წყალისა დენა,



როს ორივენი ვხარობდით ჩვენა.
 აქ ჩიტებს ოქროს ესროდა იგი,
 მე მიხაროდა ოქროს ციგლივი
 და ცაში ბრწყინვა მზისა სხივებზე...
 რად მიხაროდა, ახია ჩენზე,
 რომ ჩვენ დავშორდით და ვიტანჯები.
 ნეტავ როდემდი მქონდეს ტანჯვები!?
 ნეტა ვნახავდე კვლავ მეგობარსა,
 ყრმობის სიამეს, სამოთხის კარსა.
 ღამეა მშვიდი... დაცურავს მთვარე
 და შეუფერცხლავთ სხივთ არე-მარე...
 ფოთლები თრთიან, ჭავლობენ ზღვანი
 და ბუღბუღს გააქვს ტკბილად კაკანი...
 (დაქინება).

ცის ფერიები მის გარეშემო
 უფლიან დავლურს, ცეკვავენ, თრთიან,
 ხან ლივლივებენ, ხან ფრთებსა ჰშლიან,
 ციდან ვარსკვლავნიც ძირს ჩამოდიან,
 მძინარე ასულს თავს ევლებიან,
 ზოგი ფეხ მარდად, ზოგიცა გვიან,
 პირიმზეს კია ცრემლები სდიან.
 სიზმარში ჰხედავს თამაზას მტრიანს.
 ყვავები სქამენ თმა-ხუჭუქიანს.
 შეჰკივლებს იგი, გაეღვიძება
 და ფერიები რა ვანქრებიან,
 იგი შინისკენ გაეშურება.
 (შემოდის თამაზა)

დაჩაჯი. ვინა ხარ შენა?
 თამაზა. გლახაკი ვინმე.
 დაჩაჯი. რა გინდა აქა?
 თამაზა. მსურს მეფე ვნახო.
 დაჩაჯი. მეფის ნახვა და შეუღამისას?!
 სად გაგონილა! ბოროტ-მომქმედი
 იქნები ვინმე.
 თამაზა. არა, ძმავ, არა! ცამ დამიფაროს!

- კეთილი მიზნით მოვედი აქა.
- ღარაჯი. რა აზრი უნდა ჰქონდეს ავაზაკს
შუა ღამისას მეფისკარებთან?!
- თამაზა. ყური დამიგდემ; მეფის შვილისგან,
თამაზასაგან ვარ მოგზავნილი.
- ღარაჯი. თამაზასაგან?
- თამაზა. დიად.
- ღარაჯი. და თვითონ განა ვერ მოვა?
რისთვის დასჭირდა სხვების მოგზავნა?
- თამაზა. უნდა გაიგოს: მეფე მიიღებს
გაგდებულ შვილსა, თუ გადასწყვიტა
მისი დაღუპვა სამარადისოდ.
უცბად მოსვლა ვერ გაუბედია.
- ღარაჯი. ეგ მე არ ვიცი. როცა გათენდეს,
მაშინ მობრძანდი და თვითონ ჰკითხე.
- თამაზა. შენ არაფერი არ გაგიგია?
- ღარაჯი. მე იმის მეტი არ მეკითხება,
რომ ფრთხილად ვიდგე სადარაჯოზე.
გასწი, ძმავ, ნულარ მებაასები,
თორემ არა მაქვს ნება ბაასის
დარაჯობის დროს.
- (თამაზა გადის)
- ღარაჯი. იყო დრო ტკბილი და გადამცდა თავს,
დარაჯად ვდგავარ ქმუნვაში მყოფი
და სატრფოს ნაცვლად ჩახუტული მყავს
მასზე უღრმესად ხაზინის თოფი.
(შემოვარდება მეფე, თან შემოსდევს მსჯებელნი).
- მეფე. სად არის იგი! სად არის, სადა?
მე თვით გავაგდე, გავუხდი მტრად!
სად არის იგი, მომგვარეთ აქა,
თორე გულს მადევს ჯავრი და ლაქა!
მეჩვენა იგი, კვნესოდა ველად,
წყვდიადი ღამე ეხვია გველად.
- მსჯებელი. სიზმარი იყო ეგ, მეფევ ჩვენო!
ღამშვიდდი, წყნარად! გთხოვ დაისვენო!

- მეფე. ახია მაზე! ის იყო მჩატე,
ხალხისა მტერი და მოლაღატე.
თვითონ მე დავგმე, იავარ ვქმენი! —
დეე დალიოს მწარედ თვის ღღენი.
- მხლექბელი. მობრძანდი, მეფევე, საწოლი გელით
გაშლილი შენის მეუღლის ხელით.
იგიცა ტირის ცრემლითა ცხელით. —
მობრძანდი მეფევე, საწოლი გელით.
- მეფე. რაღა დროს ახლა საწოლი არის,
ორივე ყური ჩაცურდა მთვარის,
და ღღემ შემოხსნა ვარდისფერ ხელით
აღმოსავლეთით სამოთხის კარი! —
წავიდეთ, მაგრამ დრო აღარ არი
ახლა ძილისა... სამეფო მელის. (გადის).
(ხელა-ხელა თქნდება)
- ღარაჯი. ძნელი ყოფილა დაკარგვა შვილის.
(შემოდის თამაზა, ერთ გლეხთან ერთად).
- თამაზა. მარტოს მისვლა ვერ გამიბეღია,¹⁶
ძმავ, მეხატრება მე მამაჩემის.
- ღარაჯი. ძნელი ყოფილა დაკარგვა მამის.
თამაზა. გათენდა. მე აქ დაველოდები,
სანამ გამოვა მამა გარეთა.
დეე თვით მნახოს, მაშინ შევატყობ,
მიმიღებს ისევე, თუ სულ აილო
ხელი ჩემზედა.
- გლეხი. მეფის შვილს მამის ნახვა გეკრძალვის?
თამაზა. ნეტა ვიცოდე, რას მეტყვის მამა?
როგორ ბრძანდება, ღარაჯო, მეფე?
ღარაჯი. კარგად.
- თამაზა. მითხარი, შვილი ხომ არ უკითხავს?
ღარაჯი. ნურათერს მკითხავ.
- თამაზა. ნურა მკითხავო.
(ისმის მეფის ხმა).
- ღარაჯი. თვით მოდის მეფე. გასწით იქითა!
(გამოდის მეფე).

შეფე. კეთილი საქმე, სამშობლო, ერი
და დაჩაგრულთა დღე ბედნიერი,
ცამ ნუ მოგვაკლოს.
ვათენდა დილა. იქ არის ვინა?



- თამაზა. შენი ვარ შეილი, მშობელო ჩემო —
შენი სიტყვების გავიგე გემო,
მიმიღე ისევ, მშობელო ჩემო.
- შეფე. როგორ დამწვარა მზეზე დღომითა,
დაჰკოფრებია ხელნი შრომითა!
სასახელოა, რომ გასძარ მკლავი,
მაგრამ მითხარი, სად, რად იყავი?
- თამაზა. აი, მე, მამავ, ოქრო ვიშოვე,
ჩემის მარჯვენით, განა ვითხოვე?
- შეფე. მერე? ჩიტებსა აღარ ესროლე?
- თამაზა. არა, მამილო.
- შეფე. რატომა მერე?
- თამაზა. ძლივს შევიძინე წვითა და დაგვით
და აბა, ჩიტებს როგორ ვესროდი. —



მეფე.

ჰოო, ხომ მიხვდი, რისთვის გიშლიდი
 ოქროს თანტვასა და უსაქმობას!
 ახლა შვილი ხარ ნამდვილი ჩემი
 და დღეის იქით იცოდე ესა:
 შენ რომ პურსა სჭამ, ხალხმა დასთესა,
 ოფლი დაღვარა, ოფლში იკვნესა
 და მოიყვანა ვაი—ვიშითა.
 ოქროს რომ ხარჯავ, იყავ შიშითა,
 არ ჰხარჯო მეტი შენი ნებისთვის,
 სიამოვნება—გემოვნებისთვის.
 თუ შეინახავ ხალხს ერთგულადა,
 იმეფებ დიდხანს შვევით, სრულადა.
 შენ არ იმსხვერპლო ხალხი და ერი,
 შენ თვით ემსხვერპლე ხალხს ღვთის-
 ნიერი...

და ემსახურე ხალხს საუკუნოდ.
 აჰა, გვირგვინი მიიღე ჩემი!
 (შემოდის მეფის ამაღა და აჯანსაბა.
 შემოდის ზირამსე)

ზირამსე.

მეფეო, იმ დღეს მინდორში
 გლეხთ დავეუკოცნე ხელები,
 რომ მუშაობდნენ ჩვენთვისა,
 რომ ჩვენი იყვნენ მცველები.
 ნება მიბოძე, თქვენს ვაჟსაც
 აქ დავეუკოცნო ხელები,
 ლუკმა პურისა შემძენნი,
 შრომისა ოფლით სველები.
 (დაიხიქებს მის წინ და უკაცნის ხელებს).

მეფე.

იბედნიერეთ ორივემ,
 მიიღეთ მხარე სამეფოდ.
 შიგ უნდა დაჰრგოთ სიმაართლე
 და წმანდა შრომა ამეფოთ.
 (საერთო მსიარულება).

ი. მკედლიშვილი.



ვაზი ტირის.



ო, რა ცივი ხარ, რა ცივი, ჩემო სტუმარო!.. მწარედ ამოიკვნესა სათუთმა ვაზმა და უნებლიედ გადაიზნიქა ხმელი სარიდან.

შუა ღამე იყო, როცა თოვლის პირველი ფიფქი მიწის გულს დაეცა.

ბაღში ცივმა სიცილმა გაიწკრიალა... მას მოჰყვა ძლიერი ქარის ზუზუნი. ახმაურდა შემოძარცული ხის ტოტები, რომელნიც ისევ ამაყად გაიყურებოდნენ განრისხებულ ცისკენ.

— არ მოელოდით განა? იმუქრებოდა ზეცა.

თოვლის გუნდები თანდათან იზრდებოდა და მძიმედ აწვებოდა მიდამოს. სათუთი ვაზი ძირს ჩაიკრუნჩხაა ემწვავა ტკივილები და დედის მკერდს მაგრა მიეკრა. თეთრი ფიფქი ცდილობდა ყოველი მხრიდან შემოხვევოდა ვაზს და ცივი სიყვარულით დაეკოცნა ვათოშილი ყლორტები.

— წამოდექი ზეზე, ჩემო პატარავ, წამოდექი!.. მე შეგახვევ თეთრ პერანგში, მე ჩაგიკონავ თეთრ მკერდში!

მივალერსა ფიფქი.

— ოო, რა მწვავე ხარ!.. შენს მკვლავზე მე მოვკვდები... ყრუდ ამოილულლულა ვაზმა.— მე დედის გული გაჯაბობს, დედის გულში ვიცოცხლებ.


— რაო?!. შე უღირსო, შავს მიწას რომ კოცნი, ვერა მხედავ, რა თეთრი და ლამაზი ვარ?.. თუ აღერსი აღარ გინდა, ისე დაგწვავ, რომ დედის ცრემლებმაც კი ვერ დაგიაშოს ტკივილები.

— გათენდება... მზე ამოვა...

ასეთმა პასუხმა უფრო გაარისხა ფიფქი. ის უძრავად ჩამოწვა ბაღში. ზეცას ბროლის ბრჭყალები გამოსთხოვა და ისე უქერს სათუთ ყლორტებზე, რომ ლამის დახარჩოს,...

ვაზი ტირის დედის გულზე.

მიმქრალი.





პატარა რომაელი ქალი.

ძველი დროის ამბავი.



ომის ისტორიის ბრწყინვალე ხანა იყო, ქრისტეს დაბადებამდე უკანასკნელ საუკუნეში, როდესაც სახელგანთქმული სარდალი იულიოს კეისარი თავისი ლაშქრით გალიიდან (ახლანდელ საფრანგეთიდან) გამარჯვებული დაბრუნდა. კეისარი დიდი პატივით მიიღეს; გარდა იმისა, რომ ის რომის რესპუბლიკის პირველი კონსული იყო, სენატმა დანიშნა ის სიკვდილამდი იმპერატორად და მიანიჭა მაღალი ხარისხი — დაუნის გვირგვინის ტარებისა.

წლის საუკეთესო ნოყიერ თვეს დაარქვეს მისი სახელი — იულიო, ტაძარში დადგეს მისი ძეგლი და მის საკუთარ სახლს ისეთი სახურავი დაადგეს, როგორც ტაძრებსა აქვთ.

კეისრის ერთი მხურვალე თავყვანისმცემელთაგანი იყო მდიდარი ვაჭარი მარკ — ფულვი პრობუსი, რომელიც გალიის ლაშქრობის დროს ჯარს სურსათს აწოდებდა და დიდი შემდეგა შეიძინა. მან იყიდა მამული ხმელთა შუა ზღვის ნაპირას, ოსტიაში, რომიდან ორმოცი მილის მანძილზე და აიშენა საგანგებო აგარაკი.

დადგა ივლისის თვე და მას მოჰყვა აუტანელი ზაფხულის სიცხეები. თვითონ პრობუსი თავისი უფროსი შვილით, ლიუციოთ, თავის აგარაკში გაემგზავრა, რომ ოჯახისათვის მომზადებული ბინა დაეხედრებინა. ოჯახი, რომიდან წამოსვლის დღეს, დილა აღრიანადვე ემზადებოდა და გამგზავრების წინ ჩვეულებრივი ალიაქოთი იდგა. სამი სამგზავრო ჩასაჯდომი ჯორებ—შებმული კარებს მიაყენეს. ოჯახის უფროსი პაულა თავისი უმცროსი შვილებით: მეორე ვაჟით, მოსწავლე ავლით და მოსწავლე ქალი—ტერტილათი უკვე კიბით ქუჩაში ჩამოვიდნენ. მათ მოჰყვენ შინაური მონა ქალები და კაცები. ამ დროს ტერტილამ უცხად დაიყვირა:

— სად არის პრისცილა? კონნა! სად არის ჩვენი პრისცილა?

კონნა იყო მონა—ბავში, ტერტილას ხნისა, პრისცილა—ტერტილას დედოფალა.

პატარა მონა, კონნა, უბრალო ჩამომავლობისა არ იყო: მისი მამა გალიის ჯარის წინამძღოლი იყო. როდესაც კეისარმა გაიმარჯვა, კონნა მამასთან ერთად ტყვედ წამოიყვანეს და ორივე მონებად გაიხადეს. ტყვეებს რომ საჯაროდ ჰყიდდნენ, მამა-შვილი ერთმანეთს დააშორეს და უბედურნი სხვადასხვა ხელში ჩავარდნენ—ფუღვი პრობუსმა იყიდა პატარა მონა. მას მოეწონა ეს ტყვე, რადგან მას ამაყი და და კეთილშობილური სახის გამომეტყველება ჰქონდა.

ყმაწვილს რომ ყიდულობდნენ თავი თეთრი უკუსაკრავით ჰქონდა შეკრული. ეგონათ, რომ რამე ავადმყოფობა სჭირდა.

— რით არის ავად?—იკითხა პრობუსმა.

— სულაც არ არის ავად! ბავში ჯანმრთელია, — უპასუხა გამყიდველმა, — ხოლო დაუცხრომელი ხასიათი აქვს.

— არა უშავს რა... მაგას ჩემი ცოლი მალე მოარჯულებს. მართლაც, პირველ ხანებში ყველას ეგონა, რომ ის ისეთი დაუცხრომელი იქნებოდა, როგორც თვით გალლია იყო. დაბადებიდანვე განებივრებული, რადგან მამას შესანიშნავი ადგილი ეჭირა, ყმაწვილი შეუპოვარი და კერპი გამოდგა, ახალ მდგომარეობას არ ურიგდებოდა, ომის კანონებს

არაფრად აგდებდა. პრობუსის ცოლმა პაულომ კონნა ხელობე მოსამსახურედ აიყვანა, მაგრამ პატარა მონა ყინიანობდა, ახლოს არ ეკარებოდა, ვერავითარმა სასჯელმა ვერ გასქრა, კერპობა ვერ მოაშლივინეს...

ერთხელ ტერტილამ დაინახა, რომ კონნას ეჭირა მისი დედოფალა, რომელიც მამამ დაბადების დღეს აჩუქა. ძვირფასი დედოფალა გაკეთებული იყო თიხისაგან რომის გამოჩენილი მეჭურჭლის მიერ.

— მართლა, ხომ შევნიერა ჩემი პრისცილა? დაეკითხა მას ტერტილა. — აბა, მიშველე, კონნა, ჩავაცვათ, მოვროთო!..

ამის უარს რომელი ბავში ეტყოდა! კონნას მოღუშული სახე ერთს წამს, თითქოს მზემ შეანათაო, გაბრწყინდა და სიფრთხილით, როგორც ნამდვილი დედა, შეუღლა თავის პატარა ქალბატონთან ერთად დედოფალას მორთვა — ჩაცმას. ბოლოს ველარ მოითმინა და ტერტილას აკოცა. ამ დღიდან ესენი განუყრელი მეგობრები გახდნენ. პრობუსმა რომ ამათი მეგობრობა ნახა, შეიშალს გამოუცხადა:

— აბა, ტერტილავ, დღეის იქით კონნა შენი იქნება ისე, როგორც შენი დედოფალა.

რომიდან რომ მთელი ზაფხულით საავარაკოდ მიდიოდნენ, ტერტილამ უკანასკნელ წამს თავისი ძვირფასი დედოფალა მოიგონა, რომელსაც ახლა მარტო თავისად აღარა სთვლიდა და ამბობდა — ჩვენი — ე. ი. მისი და მონა კონნასი. კონნას არ დავიწყებოდა მათი საყვარელი დედოფალა და გულში ჩაკრული მოჰყავდა.

სამი ჩასაჯდომიდან ორი იყო უბრალო, რომელშიაც მსახურნი ისხდნენ, ერთი კი ლამაზი ფარდებითა და ბალიშებით იყო მორთული. იმაში იჯდა თვითონ პაულა თავისი ვაჟითა და ქალით და ტერტილას გვერდით კონნა. ამას ეჭირა პრისცილა და როგორც ნამდვილი გადია, კალთაში ჰყავდა, რომ არ მოსტეხოდა მჩატე ხელ-ფეხი, რადგან ქვით მოფენილ გზაზე მათ ჩასაჯდომს რახა-რუხი გაჰქონდა.

ჯორები სიჩქარით დაეშვენ სერზე, სადაც ქალაქის უმთავრესი მოედანი, „ფორუმი“ იყო. ფორუმი მორთული

იყო ძეგლებით, ღმერთებისა და გამოჩენილი სარდლების ქანდაკებით; იქ ხდებოდა პოლიტიკური ყრილობები და ირჩეოდა საზოგადო საქმეები. დღეს კი, რადგან ბაზრობა იყო, იქ დიდძალი ხალხი ტრიალებდა და ხმაურობდა. მეტადრე დუქნების და მალაზიების წინ. ამ ადგილას პაულას ჩასაჯდომს ძალაუნებურად ნელა უნდა ევლო. პაულამ გადასწია აბრეშუმის ფარდები, რომ ყმაწვილებს აუარებელი ხალხის მოძრაობა დაენახათ.

კასტორის ტაძართან კი ჩასაჯდომი გაჩერდა, რადგან მრავალი ხალხის გამო ძალიან ძნელი გახდა გავლა. სწორედ ამ ადგილას ჰყიდდნენ მონებს და ყველა გამველეო-გამომვლელს უნდოდა დაენახა და გაეგონა, თუ ვაჭრები როგორს ქებას ასხამდნენ თავიანთ „ცოცხალ საქონელს“.

— გთხოვთ მობრძანდეთ, ბატონებო, ნახვისთვის ტორანიუსი არაფერს გამოგართმევთ; იმას თავის დღეში არავინ მოუტყუებია. აი, ამაზე უფრო ღონიერს, ჯანმრთელს, შვენიერ პიროვნებას ვერ ნახავთ, თუნდა მთელი ქვეყანა მოაროთ...

ყმაწვილები და კონნა ფეხზე წამოდგნენ, რომ უფრო კარგად დაენახათ ნაქები „ადამიანი“.

უეცრად კონნამ ხელი გაიწვდინა, შეჰკივლა—და უგრძნობლად პაულას ხელზე დაეცა... ყველაზე წინ გასაყიდად გამოყვანილი მონა გალი შემკული იყო დაფნის გვირგვინით. ეტყობოდა, რომ ის იყო გამოჩენილი ტყვე, გალიის ჯარის რომელიმე სარდალი. ამას რა დამოკიდებულება უნდა ჰქონოდა პატარა მონასთან? ეტყობოდა, რომ ამათ ერთმანეთი იცნეს.

კარგა ხანი გავიდა, სანამ კონნა გონს მოვიდოდა. ამათი ჩასაჯდომი უკვე შორს იყო რომადან და ოსტიის დიდ გზაზე მიექანებოდა. ყმაწვილმა მაგრა დახუჭული თვალებით თავი ბალიშში ჩამალა და ამაო იყო რისამე გამოკითხვა, მისგან ვერაფერს შეიტყობდით.

კარგა დაღამებული იყო, როცა ესენი ფულვა პრობუსის აგარაკში მივიდნენ. აგარაკი მდებარეობდა ზღვის პირად, ქედის კალთაზე. მას გარს ერტყა შვენიერი პატარა ტყე შადრევანით, ფანჩატურებით და იშვიათი ფრინველებით სავსე.

გათენებისას აგარაკის კოშკიდან რომ გადაგეხედათ, დაინახავდი მონა მეცხვარეებს წვეტიანი არახინებით, რომელთაც გულზე სტვირი ეკიდათ. ესენი მიელალებოდნენ ცხვრებსა და თხებს. ნახავდით კიდევ ნახევრად ტიტველა-ლონიერ მხარ-ბეჭიან სოფლელებს, რომელნიც მიუძღოდნენ თავიანთ შავს, გოძელ რქებიან ხარებს. იქიდანვე მოჩანდა მახლობელ სერზე აგარაკი იმ ვაჭარ ტორანიუსისა, რომელიც წინა დღის რომის ფორუმზე მონებსა ჰყიდდა.

დილიდანვე ავლიი თავისი უფროსი ძმით თევზების დასაკერად მიდიოდა, მათი და, ტერტილა, და კონნა კი პატარა ტყეში მიზბოდნენ, ტერტილას აგრეთვე უყვარდა მონებთან ერთად ბუდეებიდან ახალი დადებული კვერცხების ამოსაღებად სიარული. მერე ისა და მისი განუყრელი მეგობარი კონნა ერთად დასეირნობდნენ და აგროვებდნენ მინდვრის ყვავილებს თაიგულებისა და გვირგვინების შესაკრავად.

თუმცა სეირნობა და გართობა კონნას არ აკლდა, მაგრამ ის ადრინდელად არ მხიარულობდა და ზოგჯერ გაყვირებულ ლოყებზე სულ უშიშვზოდ ცრემლები ჩამოსდიოდა.

— რა დაგემართა, კონნა?—ჰკითხავდა ტერტილა,—შენ რაღაც ნაღველი გაწუხებს...

კონნა რომ ხმას არ გასცემდა, ტერტილა თავის დედოფალას მიმართავდა:

— კონნა რისთვისღაც გვემდურის! შენ ჰკვიანი ხარ, არასოდეს არა ტირი ხოლმე.

ერთხელ პეპელებს რომ დასდევდნენ და მაყვალს კრეფდნენ, ყმაწვილები უნებლიედ ტორანიუსის მამულში შეეხეტნენ და აგარაკის წინ გაჩნდნენ. იქ ბორკილით შებოჭილი ვილაც ბუქბერაზი მონა, რაც ძალი და ღონე ჰქონდა, ვეგებერთელა წისქვილის ქვას ატრიალებდა. მათთვის ახალი არ იყო ამ გვარი სანახავი და ის იყო, უნდა გავფლოთ, რომ მონამ თავი მალლა ასწია.

— კონნა!—შეჰყვირა მან და ხელი გაიშვირა.

კონნა მივარდა და ქვითინით ყელზე მოეხვია.

ტერტილამ იცნო, რომ ეს ის მონა იყო, რომელსაც ტორანიუსი ბაზარში ჰყიდდა. თავში რაღაც აზრმა გაუელვა

და, როდესაც კონნა მონას მოშორდა და, თითქოს ბოდიშით, წარმოსთქვა: „ეს მამა ჩემიაო!“ — ტერტილა უკვე ყველაფერს მიხვდა.

როდესაც ესენი თავის აგარაკში ბრუნდებოდნენ, კონნა მიუბრუნდა ტერტილას და უთხრა:

— ჩემო კარგო ქალბატონო, გთხოვთ ჩემი საიდუმლო არავის გაუმხილოთ.

— მოსვენებით იყავ, არავის ვეტყვი, — დაჰპირდა ტერტილა.

ახლა ყმაწვილები ყოველ დღე მიეშურებოდნენ იქით მხარეს სწორედ იმ დროს, იმ საათს, როდესაც იცოდნენ, რომ ნახავდნენ სამუშაოზე უმოწმოდ კონნას მამას, რომელიც პატრონს დიდი ფასის გამო ჯერ ვერ გაეყიდა. ტერტილა მოშორებით დადგებოდა და უდარაჯებდა, რომ მამა-შვილი არავის დაენახა.

სეირნობის დროს ყმაწვილებს ახლა სულ სხვა სალაპარაკო ჰქონდათ. ისინი აღარ ხედავდნენ აღარც პეპელებს, აღარც ყვავილებს და აღარც ხილეულობას. წამდაუწუმ შედგებოდნენ და დაბალი ხმით რაღაც ცხარე რჩევაში იყვანენ. ზოგჯერ კონნა მუდარებით, გულზე ხელ დაკრფილი, იცქირებოდა, ტერტილა კი ჩაფიქრებული იყო. ზოგჯერ კი ტერტილა მოჰყვებოდა ლაპარაკს, შეუსვენებლივ ლაპარაკობდა და ლაპარაკობდა, კონნა კი ცრემლით იღვრებოდა.

ერთხელ ტერტილამ უთხრა მამას:

— დღეს ჩვენი მამულის გამგე ოსტიუში მიდის. მე დიდი ხანია ნავთსადგურის ნახვამინდა. შეიძლება, რომ წაყვავ?

— რატომ არა, წადი, — უთხრა მამამ. — ჩვენი მამულის გამგე სანდო კაცია!

— მაგრამ იმასთან მარტო მომეწყინება. შეიძლება, რომ თან კონნა წავიყვანო?

— რასაკვირველია, ჩასაჯდომში იმისთვისაც ადგილი მოინახება.

კონნა იქ იდგა და სიხარულით შეჰკვივლა.

მალე ისინი ოსტიაში გაჩნდნენ. მათთვის ერთი გემი იყო უფრო საყურადღებო და იქ ავიდნენ. მათ სთხოვეს გემის პატრონს ეჩვენებინა მათთვის, თუ როგორ უნდა იალ-



ქანს ხმარება და როგორ მოწყობა. მათ აქ შეიტყეს, რომ, თუ ქარი ხელს შეუწყობს, სამ დღეზე შეიძლება მარსელში მისვლა.

ბინდისას, მზე რომ ჩადიოდა, ყმაწვილები უკვე სახლის წინ, ზღვის პირას იყვნენ. კონნამ ტერტილას წინ დაიჩოქა და დიდი მოწიწებით და ალერსით უკოცნიდა ხელებს, მერე მოიტაცა თავიანთი საყვარელი პრისცილა და მხურვალედ გულში ჩაიკრა. ბოლოს, თითქოს ველარ გაბედა ხელახლა შეეხედა თავის ქალბატონისა, ან დედოფალასთვის, ზღვისკენ ჩაიბრინა.

მეორე დილას ტერტილას ადრე გამოეღვიძა რაღაც უცნაური ხმაურობის გამო. მან საჩქაროდ ტანთ ჩაიცვა და თავისი დედოფალათი ამბის გასაგებად ეზოში გამოვიდა. ვიღაც უცნობი კაცები მათ გამგეს ელაპარაკებოდნენ.

— ჩვენი ბატონი ტორანიუსი, — ამბობდნენ ისინი, — ჯავრობს, ცეცხლსა ჰყრის...

— რაო, განა ძალიან აფასებს მაგ გალლს? — ჰკითხა ჩვენმა გამგემ.

— როგორ არ აფასებს! ეგ ხომ ყველაზე გამოჩენილი მონაა გალლიდან წამოყვანილი. მაშ აქ არავის უნახავს?

— არა. სხვისა რა ვიცით, წუხელის აქაც დაგვეკარგა პატარა გოგო მონა და ვერსად მიპოვნია.

— პატარა გოგო სად დაიკარგება! თვითონვე დაბრუნდება — იმ გალლის საქმე სულ სხვაა. რაც უნდა გამოჩენილი წოდებისა იყოს, სასჯელს ვერ გადარჩება. ტორანიუსი უპირებს ცირკში ვეფხებს მიუგდოს დასაგლეჯად.

ამ დროს ტერტილამ თვალი შეასწრო თავის მშობლებს, რომელნიც სახლიდან გამოვიდნენ და მაშინვე ტყისკენ მოკურცხლა.

ფულვი პრობუსი და პაულა იქითკენვე წავიდნენ და მიუახლოვდნენ იმ ფანჩატურს, სადაც ჩვეულებრივ მათი ქალი — თავისი მეგობარი მონით — თამაშობდნენ. ტერტილა მართლაც იქ იყო. პრისცილა სკამზე დაესვა, თვითონაც გვერდით მოჯდომოდა და, როგორც ცოცხალ ბავშვს, ღარიგების კილოთი ელაპარაკებოდა.

— ჩემო პრისცილა, მართალია, კონნამ სამუდამოდ მი-

გვატოვა, მაგრამ ძალიანაც არ უნდა ვინაღვლოთ. მ-სი დარჩება ჩვენთან შეუძლებელი იყო. მისი მამა თურმე წინამძღოლრი ყოფილა ალბის იქით რომ გალღები არიან. ის თავგანწირულად ებრძოდა ჩვენს დიდებულ იულიოს კეისარს. ის ტყვედ წამოუყვანიათ, მაგრამ იმიტომ კი არა, რომ თითქო დაამარცხეს, ის გაუტია ერთს მისივე მეომარს და მერე უბედური გაჰყიდეს, როგორც მონა თავისი პატარა ქალი კონნათი. ხომ გესმის, ჩემო პრისცილავ, რა ბოროტება ჩაიდინეს! მაგისთანა ნაძიარალა გამცემის მიზეზით მან თავისუფლება დაჰკარგა და მონად გახდა! ჩვენ კი, პრისცილლა, ხომ რომაელები ვართ! ჩემმა ძმამ, ლიუციმ, პროფესორის ერთი ლექციის შემდეგ ამისხნა, რომ რომის ლეგიონები ყველაზე უფრო მამაცნი და ისეთი კეთილშობილები არიან, რომ მტრების დამარცხება გამცემლობით მათთვის საჭირო არ არისო. როდესაც შევიტყე, რომ იმ გალღს, კონნას მამას, შეუძლია გაქცევა და თავის შველა გემზე, რომელიც ჩვენ გუშინ ოსტიაში გავსინჯეთ, მე ვუთხარი კონნას მამასთან ერთად თავისათვის ეშველა. ის ხომ ჩემი იყო და უფლება მქონდა გამეთავისუფლებინა. ახლა ხომ ყველაფერი შეიტყე, ჩემო პრისცილავ, და იმეღია, არ იღარდებ მის მოშორებას.

ასე ლაპარაკობდა ყმაწვილი და დიდ-მამას კი ვერა ხედავდა. მათ არც ერთი სიტყვა არ გამოპარვათ და ფეხაკრფით წავიდნენ. როდესაც ისე გაშორდნენ, რომ ტერტილა მათ ლაპარაკს ვერ გაიგონებდა, ფუღვი პოობუსმა უთხრა ცოლს:

— ჩვენ, პაულა, უნდა ვამაყობდეთ ჩვენი ქალიშვილით: ის ნამდვილი რომაელია ქალია!

(თარგმანი)

ან. წერეთლისა.





პატარა მხატვარის ფიქრი.

აკეთილ ფანჯრიდან
გავსცქერი მთაგრეხილს...
ყინულის ჩუქურთმა
მოვხაზე რვეულში.

* *

და ვკოცნი მნათობის
ვერცხლის თმებს ჩამოშლილს
და ვხატავ მის სახეს
ჩემს ფიქრთა ხვეულში.

* *

ხვალ ნახვენ ამ სურათს
ბროლის ფერ ფარდაზე,
თოვლის თეთრ გუნდებში
გედის ფრთის იერიით...

* *

ნეტა ვინ რას იტყვის
პატარა მხატვარზე?
ნეტა ვინ შემაქებს
ოცნების სიმღერით?..

მიმკრალი.





კრაზანას*) ხელოვნება.



ევრს გაუკვირდება ეს ამბავი. სად კრაზანა, და სად ხელოვნებაო, მაგრამ როცა ჩემს ამბავს მოგიყვებით და ჩემს ცხოვრებას გაგაცნობთ, დარწმუნდებით, რომ ჩემი ცხოვრება თავიდან ბოლომდე არის საუცხოო ხელოვნება. თქვენ, პატარა მკითხველებო, კარგად იცით ფუტკრის ხელოვნება, რადგან ხშირად იგემებთ ხოლმე მის ტკბილს ნახელარსა—თაფლს. მართალია, მე თაფლს მხოლოდ ჩემი შვილებისათვის ვამზადებ, მაგრამ ხელოვნება ხომ იმაზედ არაა დამოკიდებული, თუ ვისთვის ამზადებს ხელოვანი ამა თუ იმ საგანს. ეს ერთი და მეორეც ისა, რომ არც ფუტკარი აკეთებს თქვენთვის თაფლსა და ცვილს. ერთსაც და მეორესაც ის თავის შთამომავლობისათვის ამზადებს და თქვენ რომ ძალადობით ართმევთ მას ზედმეტ თაფლსა და ცვილს, ეს რა მისი ბრალია? ამის გამოისობით ხშირად მთელი სკაც იღუპება შიმშილით, თქვენ კი პირს იტკბარუნებთ, სადაა სამართალი? მაგრამ ისიც უნდა ითქვას, რომ ასეთს უსამართლობას მხოლოდ უმეცარნი სჩადიან, მცოდნე ადამიანი კი არასოდეს არ მოსტაცებს ფუტკარს იმოდენს თაფლს, რომ სკას არ დაუტოვოს საკმარისი თავის გამოსაკვებად. გარდა ამისა ფუტკრისაც თუნდ, ეშინია ადამიანს, მაგრამ თავის სარგებლობისათვის კიდევ უყვარს იგი. მე კი? მე ვეზიზღები. დიად, ვეზიზღები ადამიანს, რომელიც ყოველ

*) კრაზანას იმერეთში ბზიკს ეძახიან.

ლონისძიებასა ხმარობს ჩემს მოსაკლავად. მეც, რასაკვირველია, სამაგიეროს ვუხდი და, საცა და როცა შემიძლია, ვკბენ. არა, კი არა ვკბენ, არამედ შხამიან ისარსა ვასობ. და სად ისარი და სად საკბენი იარაღი—პირი? ჩემი პირი სრულიადაც არაა ადამიანის საკბენად მოწყობილი. იმისი საქმეა ხის დახვრა, ანუ უკუდ რომ ვსთქვა, ხის ნახერხად დაუხვნა, ყვავილების ტკბილი წვენი შესუტვა და სხვა მრავალგვარ ხილისა და მწერების შექმა. და იცით მერე თქვენ, თუ რატომ ვფხენი ხესა? აი, აქ არის უმთავრესად ჩემი ხელოვნების საიდუმლოება და სიამაყეც. დიად, სიამაყეც, იმიტომ რომ პირველად ჩვენმა გვარმა მოიკონა ხისგან ქალაქის კეთება. და თუ ადამიანი ამაყობს მით, რომ ქრისტეს დაბადების წინ მეორე საუკუნეში გამოიგონა ქალაქის კეთება, ვანა ჩვენ მეტი საბუთი არა გვაქვს ვიამაყოთ, რომ ადამიანზე აღრე რამდენიმე მილიონი წლების წინ გავაჩაღეთ ეგ საქმე? ოღონდაც, რომ ჰო. იქნება იქვი გეპარებათ, რომ ეს დრო გადავაჭარბე? ინებეთ, ამასაც დაგიმტკიცებთ. ყველას თუ არა, ზოგს თქვენგანს მაინც მოეხსენება, რომ ადამიანი ყოველ ცხოველზე უფრო გვიან გაჩნდა დედამიწაზე; რომ ცხოველ არსებათა გაჩენა ხდებოდა თანდათანობითა და დიდის ხნის განმავლობაში; რომ მწერებიდან ადამიანებამდე უშველებელი მანძილია; რომ ეს ცხოველ არსებათა თანდათანობითი განვითარების მოვლენა არის ბუნების ძირითადი კანონი. და რადგან ეს ასეა, მაშასადამე ქალაქის კეთების გამოგონების პირველობაც ჩვენ გვეკუთვნის. მხოლოდ დასაწერად და წიგნების საბეჭდად როდი გვინდა ჩვენ ქალაქი. ამის თავი და უნარი საიდან ექნება ჩვენისთანა საცოდავ მწერს? ჩვენ ის გვინდა ბუდის გასაკეთებლად. დიად, იმ ბუდე-სადგომის, სადაც ჩვენ ვზრდით ჩვენს ახალთაობას. თვით ის ნაჩვრეტები, რომლებშიაც დედა-კრაზანა კვერცხებსა სდებს და სადაც იზრდება მთელი ახალი თაობა, გახლავთ ქალაქისაგან გაკეთებული. ეს ქალაქი კი კეთდება ხის ფხენილისა და ჩვენი ნერწყვისაგან სწორედ იმგვარად, როგორც იგი კეთდება ქალაქის ქარხნებში.

ამბობენ, ქალაქის კეთება პირველად ჩინელებმა გამოი-

გონეს ქრისტეს დაბადებამდე ორასი წლის წინადო. ის კი არავინ იცის, თუ რა გზით მიაგნო იმ ჩინელმა ამ გამოგონებას. ეგებ კრაზანების ცხოვრების დაკვირვებაში და შესწავლამ ამცნო მას ეს საიდუმლოება? ვინ იცის! და თუ ეს მოსაზრება მართალია, მაშინ ჩვენც შეგვიძლია ვიამაყოთ იმ სწავლა-განათლების გავრცელებით, რომელიც მოახდინა დედა-მიწის ზურგზე ქალღმრთის კეთების გამოგონებამ და მოგთხოვოთ ადამიანს უფრო ლმობიერი მოპყრობა ჩვენი ხანმოკლე ცხოვრებისა, ვიდრე იგი იჩენს დღეს. ან იმოდენს რას ვუშლით ადამიანს? თუ ცოტაოდენის ყურძნისა, ვაშლისა, მსხალისა და ატმის გემოს გაღებით ზარალს ვაყენებთ მებაღეობას, ნუ დაივიწყებთ, რომ ამასთანავე სარგებლობასაც ვაძლევთ მას მავნე ჭიაღუების მოსპობითა და ზოგ ბალახთა განაყოფიერების ხელის შეწყობით. მართალია, ამ საქმეშიაც ფუტკარი გვეჯობნის, მაგრამ ამ ჩვენს ახლო მონათესავესთან მაინცა და მაინც ჩვენ ფეხს არა ვჭიმავთ.

თუ ფუტკარზე მეტად დაუნდობელი და სასტიკი ვართ, ამასაც თვისი გასამართლებელი საბუთი აქვს. ყოველი მოვლენა გარშემო პირობათა გავლენაზეა დამოკიდებული. ყველა ჩვენ წინააღმდეგაა ამხედრებული. თვით ბუნებაც კი, რომელიც მთელ ჩვენს გვარს შემოდგომაზე მუსრს ავლევს ხოლმე რამოდენიმე დედა-კრაზანას გარდა. შემოდგომის პირველი ქარია ჩვენი ჯიშის სულთამხუთავი. თქვენც ბევრჯერ გენახებათ, ბატონებო, შემოდგომაზე ძლივს-ძლიობით უგზო-უკვლოდ მოხეტიალე კრაზანები. ეს მათი უკანასკნელი დღეებია.

შემოდგომაზე სიცოცხლის სურვილიც გვესპობა და თავჩაქინდრულნი და უნიათონი სიკვდილს მოველით.

მხოლოდ ყოველი ოჯახიდან ორი-სამი დედა-კრაზანა არა ჰკარგავს სიცოცხლის სურვილს. მხოლოდ ისინი არ ივიწყებენ სიცოცხლის ნეტარების სიტკბოებას და ყოველ ძალღონეს ხმარობენ სიკვდილისაგან თავის დასაღწევად. ამიტომ ისინი დაეძებენ ამ დროს მყუდროსა და თბილს ადგილს ან ხმელს ხავსში, ან სადმე ქვიშანარვე მიწის ნაპრალში და იძინებენ იქ თბილსა და ტკბილ გაზაფხულამდე. რასაკვირველია,



თუ ყინვა-სიცივემ, თოვლმა და ნიაღვარმა, ან მოხეტიალე საქონელმა ადრე არ მოაუსპო მათ სიცოცხლე.

ესეც უნდა იცოდეთ, რომ ეს დედა-კრაზანები, ან დედოფლები უკვე განაყოფიერებული არიან, რომ მომავალი გაზაფხულიდან შვილები გაზარდონ და უზრუნველყოფონ თვისი შთამომავლობა.

ხუთი თვე ძილი და უქმელ-უსმელობა!..

ღვინობისთვის დანთებულამდე მიმკვდარებული სიცოცხლე!.. გაქრა ზამთარი. დადნა თოვლი. ჩაიქროლა და მიიშალა ცივი ქარ-ბუქი. ამობრწყინდა ცხრათვალა მზე და მიჰფანტ-მოჰფანტა ნისლ-ბურუსი და აქა-იქ მოხეტიალე ღრუბლები. გამთბარ-გაბრწყინებული ცის ლაჟვარდი საიმედო გუშავად თავს დაადგა ნეტარებით სავსე დედა-მიწას. გაქრა ძილი და გამეფდა მოძრაობა, შრომა და სიცოცხლე. ყოველი სულიერი გამომზეურდა, გამოცოცხლდა. ჩვენი დედოფალიც გამოფხიზლდა. აუჩქარებლივ მიესალმა ცხოველმყოფელი მზის სხივს, აცოცდა ახლადშობილ ბალახის ფოთოლზე, გაშალა დედოფლურად თვისი ოთხი ფრთა და საუზმის მისართმევად გაემართა. ხუმრობა ნუ კი გგონიათ ხუთი თვის შიმშილ-წყურვილი! ვის არ მოშივდება, გინდ დედოფალიც ბრძანდებოდეს? შენ ის მითხარი, თუ რა არის ამ დროს საგემებელი? ჯერ ხომ არც ხილია და არც ქილუები. მაგრამ ჰო, მარგული! აი, ის პატარა ბალახი, რომელიც ძალიან ადრე შეიმოსება ხოლმე თავის ლილისფერ მოწითალო ყვავილებით. ეს ხომ პირველი და საიმედო მოკავშირეა ჩვენი ოჯახობისა. არა და, მე თქვენ გეტყვით, გვიმტყუნებს როდისმე. ბუნებას სიმრუდე როდი უყვარს. ყოველი მისი მოვლენა ნაღვლია და უტყუარი. ამიტომაც მარგულსაც დამზადებული აქვს დედოფლისა და მის პირველ თაობისათვის ტკბილი წვენი თავის ყვავილებში. მარტო და მხოლოდ კრაზანათ მოყვარეობისთვის კი არა, — თავის განაყოფიერების ხელის შეწყობისათვის უმთავრესად. და თუ ეს გარემოება ორსავე მხარისათვის ხელსაყრელი და სასარგებლოა, მაშ უტყუარ კავშირსაც რამ უნდა დაუშალოს?

ზოგი მეხსიერების წყალობით უმეტესად კი შთამომავ-

ლობითის ალღოს მეოხებით დედოფალიც მიიმარფება პირ-
დაპირ მარგულისაკენ და კარგს საუზმესაც მიირთმევს. გადა-
დის ერთი ყვავილიდან მეორეზე, თან ნაყრდება და თანაც ამ
მეგობარ მცენარესაც ხელს უწყობს განაყოფიერების საქმეში.

ახლა დიდი საშხადისი სჭირდება ამ დიდს ქალბატონს.
ჯერ ერთი მყუდრო ადგილი უნდა მოსძებნოს ბუდის გასა-
კეთებლად. სადმე ან შენობის ქერქვეშ გარე, ან ხის ფულუ-
როში, ან სადმე ხეზე. მეორეთ—ბუდე უნდა გააშენოს. ამისა-
თვისკი საჭიროა ხის გულის ფხვნილის დამზადება და ქალა-



დის სკის გაკეთება. არც ამის გაკეთება უძნელდება ჩვენს
ქალბატონს. ახლა კიდევ კვერცხის დადების დროც უახლოვ-
დება. დედოფალი პირველად სდებს სამ-ოთხ კვერცხს და თავს
ვევლება, რომ პირველი შვილები და თან შემწე-ამხანაგები
გამოჩეკოს მომავალ ოჯახის მომრთველ-გამჩაღებელნი. აგერ
გამოჩეკა კიდევ პატარა ქია. ერთს მეორეცა და მესამეც
მოსდევს. ქიები თავს მალლა სწევენ. შიმშილსა სჩივიან. მო-
სიყვარულე დედაც იქაა, უზიდავს საქმელს და ზრდის თავის
ახალთაობას. თუ მარგულში საკმაო თაფლს ვერა ჰპოულობს,
ქურდობასაც არ ერიდება. ფუტკრის სკაც ხომ აქვეა. მიე-
პარება და მოსტაცებს ცოტაოდენ თაფლს. ქიებიც გარდაქ-
მნის (მეტამორფოზის) გზას დაადგენ, როგორც საზოგადოდ
სჩვევიათ ყველა მწერებს. მათ უკვე გაიკეთეს თვისი საქმი-



დან დამზადებული მასალით აბრეშუმის აბლაბუდა და დაბარკდენ. ჩვენი დედა-კრაზანა მეტად გახარებულია. სიხარული და იმედები შრომის უნარს უორკეცებს და შრომობს და შრომობს დაუხარებლად: აშენებს ახალ უჯრებს, აშენებს მომავალ ოჯახს. ამასობაში პარკებიც გაიხსნება და დასრულებული კრაზანები გვერდით ამოუდგებიან თვის დედასა და დედოფალს, დაბადების დღიდანვე დაუხარებლად შრომობენ, იღწვიან, საბუღარს აშენებენ. ახლა დედოფალს ერთი საქმე აქვს: მრავალი კვერცი დასდოს და ოჯახი გაამრავლ-მოაშენოს. თუ არ იცით, გაგეგონებთ მაინც, რომ ჩვენს გვარში, ფუტკრებსა და კრაზანებისაში, სამგვარი ერთეულები არიან: დედოფალი, მამალი და მუშა. მთელ სკას მუშა კრაზანა შეადგენს. დედოფალი ერთია და მამალი კი რამოდენიმე. მუშა კრაზანა არც დედალია და არც მამალი. თავისი მოყვანილობით კი დედალსა ჰგავს და ამიტომაც დაუმთავრებელს დედალს ეძახიან. მამალი კრაზანა ყველაზე უფრო ხანმოკლეა. ცოტანიც არიან. დედოფალი სჩეკავს მხოლოდ ზაფხულის ბოლო ხანში, როცა აცივდება. ერთად ერთი გასამართლებელი საბუთი მათი ამ ხანში გაჩენისა, ასე დღემოკლედ, დედოფლის განაყოფიერებაა კრაზანათა გვარის აღსადგენად მომავალი გაზაფხულიდან. ზედავთ, რა დღემოკლენი ვართ?! სულ 7—8 თვეს ვცხოვრობთ, ამოდენა შრომასა და გაჭირვებაში ვატარებთ ჩვენს დღესა და თქვენ კი გსურთ, რომ ჩვენ მოსიყვარულე გულით აღსავსენი ვიყოთ და ტრედივით უწყინარნი.


ღიალ, იმას მოგახსენებდით, რომ მამლებს გამოსაჩეკად დედოფალი სდებს ხოლმე კვერცხს ზაფხულის მიწურულში, როცა აღარც სითბოა საკმაო და აღარც საკვები. არც არავინ თავს იტყვს ამ არამზადა ვაჟბატონებისათვის. არაფრისაგან არაფრის მაქნისი არ არიან. ესაა მხოლოდ, დედოფალი უნდა განაყოფიერონ. ამასობაში ღვინობისთვის ცივი ქარიც ჩამოიქროლებს და უპირველეს ყოვლისა ჩვენ მოგვძიებნის. ახლა კი მშვიდობით! ფეხები უნდა გავჭიმოთ და გამოვეთხოვოთ ამ წუთისოფელს.


ჰო, ის დამავიწყდა მეთქვა, რომ ზაფხულის მიწურულ-

შივე დედოფალი სდებს ორ-სამ სადედოფლო კვერცხს, საი-
დანაც დედოფლები უნდა გამოიჩეკონ მომავალის ცხოვრები-
სათვის. თუ ბუნების სიყვარული გაქვთ, დაკვირვების ნიჭი
და მოთმინება, დაინახავთ, რომ დედალ კრაზანასათვის ცალ-
კე და საგანგებო უჯრაა დამზადებული და გამოიჩეკება თუ
არა, მის გაზრდა-გაფუფრქვნისათვის განსაკუთრებულად მუშა-
ობენ მუშა-კრაზანები. საქმელ-სასმლითაც და მოვლა-პატრო-
ნობითაც სულ სხვა მდგომარეობაშია ხოლმე დედალი კრა-
ზანა, ანუ დედოფალი. ასეთს პირობებს ჰქმნიან ხოლმე მუ-
შა-კრაზანები, რომლებიც შეადგენენ დიდს უმრავლესობას
კრაზანათა მოსახლეობისას და რომელნიც საუცხოო მაგა-
ლითს წარმოადგენენ შრომისმოყვარეობისა და ხელოვნებისას.
მამალი არამზადა კი ყველაზე მეტად დღემოკლეა და არც
ქალაღდის კეთებაშია დახელოვნებული.

კრაზანათა გვარი მრავალია. ქალაღდის კეთება ყველამ
კი არ იცის, ზოგნი თიხიდან იკეთებენ ბუდეს, ზოგნიც მი-
წაში სცხოვრობენ. ზოგნი 4000 და 5000 არიან ერთს ოჯა-
ხში, ზოგნიც ბევრად ნაკლები და ზოგსაც განკერძოებული
ცხოვრება უყვარს. „კაცია და გუნება“-ო, ნათქვამია. არც
მჩხვლეტავი იარაღი აქვს ყველას. მარტო დედალსა და მუ-
შა კრაზანას აქვთ კვერცხსადები, რომლისთვისაც არსებო-
ბისათვის ბრძოლას ისრის სახე მიუცია; ამითი ჩვენ ვჩხვლე-
ტავთ ხოლმე მტერს და შევეუშხაპუნებთ კანქვეშ ჭიან-
ჭველის სიმჟავეს, რომელიც ასე მწვავეა. საკვერცხესთან კრა-
ზანას აქვს ერთი ჯირკველი, სადაც ეს სიმჟავე მზადდება.
მართალია, სასტიკია ამ ისრით ვისიმე დაჩხვლეტა, ისიც მარ-
თალია, რომ ჩვენ შეუბრალებელსა და სასტიკ მწერად გვთვ-
ლიან, მაგრამ რა გაეწყობა! ჩვენ ხომ სხვა იარაღი არა გვაქვს
რა თავის დასაცველად, მტერი კი მრავალია, ვინ გინდა,
რომ ჩვენ არ გვემტერებოდეს! პატარა ჩიტუნებიდან დაწყე-
ბული, თვით ადამიანამდე.

მაშ რაღდა გიკვიროთ ჩვენი შეუბრალებლობა და სი-
სასტიკე?! ივანე ელიაშვილი.





ორი პირამიდა.

(აღმოსავლეთის ლეგენდა)



რთი ძალოვანი ფარაონი ეგვიპტეში აშენებდა თავისთვის დიდ მატურს, პირამიდას, რომელსაც ის სამარადისოდ სახელოვანი უნდა გაეხადა. დილიდან საღამომდის, მრავალი წლების განმავლობაში ათასობით ადგენ კაცები ამ შენობას, მძიმე ქვების ზიდვით წელი ჰქონდათ მოწყვეტილი. ბოლოს ეს უდიდესი მუშაობა დამთავრდა. მუშების დათხოვნის წინეთ თვითონ ფარაონი მობრძანდა პირამიდასთან. მუშებს, ხუროთ მოძღვრებს მალლობა უთხრა და შემდეგი სიტყვებით მიმართა მათ:

„ახლა კი შემიძლია მოსვენებით მოკვდეთ, რადგანაც დარწმუნებული ვარ, რომ მე ხალხი თავის დღეში არ დამივიწყებს. ყველა, ვინც შეხედავს ამ შვენიერ პირამიდას, მოიგონებს ჩემს უკვდავ სახელს.“

ეს სიტყვები გაიგონა ერთმა მუშა არაბმა, რომელიც ძალიან თავმოყვარე იყო. როდესაც ის დაბრუნდა თავის სამშობლოში, არაბეთის ერთ-ერთ უდაბნოში—დაიწყო ოცნება, თუ თავის ტომთა შორის როგორ გაითქვას სახელი—და ისეთი პირამიდა აიგოს, როგორც, მაგალითად, ფარაონმა. თანაც გრძნობდა, რომ ის ამას თავის დღეში ვერ მოახერ-

ხებდა, რადგანაც მის გასაკეთებლად საჭირო იყო ფარაონის ძალღონე. არაბი თავის უდაბნოში ნაღვლიანად დაეხეტებოდა. საბრალო ისეთმა სურვილმა გაიტაცა, რომ ბოლოს მოინდომა თავისი ძალით, თავისი საკუთარი ხელით აეგო პირამიდა.

ერთხელ, საღამო ჟამს, როდესაც არაბი ჩვეულებრივ პირამიდაზე ფიქრობდა, მას აზრად მოუვიდა, რომ იქნება უფრო ადვილი იყოს ღრმა ორმო გათხაროს ვინემ, ქვებისაგან აპართოს მაღალი სვეტი, მით უფრო რომ სანამ აშენებას შეუდგებოდეს, მან შორიდან, სხვა და სხვა კუთხიდან უნდა მოზიდოს ქვა. „განა სულ ერთი არ არის,—გაიფიქრა არაბმა,—საით ექნება პირამიდას თავი: ზემოდ თუ ქვემოდ?“

მაღე, ამას შემდეგ არაბმა ამოარჩია თავის არაჩვეულებრივი პირამიდასათვის შუა უდაბნოში ადგილი, სადაც ქარავნები გაივლ-გამოივლიდნ და მუშაობას შეუდგა.

ვაჭრები და ქარავნის პატრონები ხედავდნ კაცს, რომელიც მარტოდ-მარტო ორმოსა სთხრიდა და ძალიან უკვირდათ.

მათ კითხვაზე თუ რათა სთხრის ორმოს, არაბი უპასუხებდა: „მე მინდა ავიშენო პირამიდა, როგორც ეგვიპტის ფარაონმა, ხოლო იმ განსხვავებით, რომ ჩემს პირამიდას თავი ზემოდ კი არ ექნება, არამედ ქვევით. „ხალხი იცინოდა და საბრალო არაბს გიჟათა სთვლიდა.


ამასობაში არაბი სთხრიდა და სთხრიდა ორმოს. ორმო თანდათან განიერდებოდა და ღრმად მიდიოდა. რამდენიმე წლის ახირებული მუშაობის შემდეგ იქამდი ამოთხარა ორმო, რომ გამოჩნდა წყალი—სუფთა და შვენიერი გემოსი. რამდენსამე ხანს კიდევ იმუშავა არაბმა, ბოლოს მუშაობა უნდა შეეყენებინა, რადგან წყალი იმოდენა გამოჩნდა, რომ მოთხრა აღარ შეიძლებოდა. განაწყენებული არაბი თავის ბინაზე დაბრუნდა და მაღეც მოკვდა.

მაგრამ მისი ხსენება მის ქვეყანაში არ გამქრალა. საწყალმა არაბმა, ფარაონის მეტოქემ, არ იცოდა, რომ თვითონ აიშენა პირამიდა და თავის ტომთა შორის სამუდამოდ სახელი გაითქვა. დიდ საოცარ ორმოში, რომელსაც გაქირვებით და ახირებით სთხრიდა არაბი, გამოჩნდა დიდი წყალი.

გამვლელი ქარავნები დრო და დრო ორმოს ძირს უსუფთა-
ვებდენ და ბოლოს და ბოლოს თანდათანობით ეს ადგილი
გადაიქცა შვენიერ კორდათ.

რომელი პირამიდა უფრო სასარგებლო იყო ხალხისა-
თვის: ის, რომელიც სხვისი ხელით ძალოვანმა თარაონმა
აიშენა, თუ რომელიც საწყალმა არაბმა თავისი შრომით
გააკეთა?

ა. წ.





მამის ანდერძი.*)

იგავი.



ზიურ ერთ ქვეყანას ჰყავდა მშართ-
ველი, სახელად ოსმან-ალა. ოსმან-
ალა იყო კაცი ფრიად ავი, მკაცრი,
სასტიკი, უღმობელი, შეუბრალებე-
ლი. აუარებელი და მძიმე გადასახა-
დები დააწესა თავის სამფლობელო-
ში; თვალი სულ ქვეშევრდომის გა-
ყვლეფასა და განადგურებაზე ეჭი-
რა. სულ მცირე დანაშაულობის-
თვის ყველას თავსა ჰკვეთდა და სა-
პატიპროები ხომ მთელს სახელმწი-
ფოში გავსებული ჰქონდა.

მოგეხსენებათ, ყველანი სიკვდი-
ლის შვილნი ვართ. ოსმან-ალასაც
მოუახლოვდა აღსასრულის წამი. ეს


რომ იგრძნო, მოიხმო თავისი უფროსი შვილი, ტახტის მე-
მკვიდრე, და შეევედრა: «გხედავ, ბოლო მედება, სააქაოს
აღარ ვეკუთნი. ვიცი სიცოცხლეში ყველასა ვძულდი, ვეზი-
ზღებოდი; ყველა მკიცხავდა, მაგინებდა. ახლა მსურს სიკვ-
დილს შემდეგ მაინც კეთილად მომიხსენიონ, რომ საფლავ-
ში მოსვენებული ვიყო. შენთვის მომინდვია ამაზე ზრუნვა
და ჩემი უკანასკნელი სურვილის ასრულებაო.»


*) ხალხში გავრცელებული.

მოკვდა ოსმან-ალა. შვილმა დაიკავა მისი ადგილი და უპირველეს მიზნად დაისახა მამის ანდერძის შესრულება: გააორკეცა გადასახადები, აამუშავა მათრახები, ერთი-ათად გაამრავლა საპატიმროები, შემოიღო სახრჩობელები და ამგვარად მუსრს ავლებდა ქვეშევრდომთ, რომელნიც-კი მცირეოდენ ურჩობას გაუწევდენ.


შეწუხდა ხალხი, გაისმა საერთო გოდება, აყაყანდა მთელი ქვეყანა და, რასაკვირველია, ყველა ერთსა და იმასვე გაიძახოდა: „ოჰ, რა ბედნიერი ვყოფილვართ ოსმან-ალას ხელში! რა ძვირფასი და სათნო კაცი ყოფილა! ჩვენ-კი, უბედურნი, ბრმები ვყოფილვართ, მისი სიკეთე ვერ დაგვინახავს და ვერ დაგვიფასებიაო.“

ალ. მირიანაშვილი.





1922 წლის მიმოხილვა.



აღ არ გინდა გამიზიარო შენი აზრი წასული წლის შესახებ? შემეკითხა ახალწლის წინ ღამეს ჩემი უმცროსი ძმა.

— დიდი სიამოვნებით, თუ კი ეს შენ გაინტერესებს და გულდასმით მოპისმენ, მე მზადა ვარ თვალწინ გადაგიშალო წარსულ წლის საქმიანობის შესახებ ჩემი მოგონებანი.

ის სმენად გადაქცეული აღტაცებით შემომცქეროდა თვალებში, — თითქოს მეუბნებოდა: დაიწყე, მეც მზადა ვარ მოგისმინო...

მეც ღამპას ცოტათი ჩაუწიე, საწერ მაგიდას მოუჯექ და დავიწყე:

„1921 წელმა დაგვიტოვა სიმშლილი და გადანადგურებული მეურნეობა. დაგვიტოვა დანგრეული — ქარხნები, გაპარტახებული მუშათა ბინები და ეკონომიურად დასუსტებული ზურგი.

1922 წელში ხალხი გამოფხიზლდა, შეუდგა გაპარტახებულ და 1921 წლის დანგრეულ მეურნეობის ყოველ დარგში მდგომარეობის გაუმჯობესებას და ცოტათი მაინც მიადწია დასახულ მიზანს.

სმენათ გადაქცეული პატარა ალიკო მთხოვდა დამეხასიათებია ის პირნი და ამეწერა ის ფაბრიკა-ქარხნები ან კულ-

ტურული დაწესებულებანი, რომლებიც 1922 წელში საგულისხმონი იყვნენ.

მეც ამ წესით ბაას დავეთანხმე, მხოლოდ იმ პირობით, თუ ის ცალკე მოისმენდა ყოველ ჩემ ნაამბობს და შეკითხვებს დასასრულისათვის გადადებდა. ისიც სიამოვნებით დამთანხმდა.

1922 წელს სამი უმთავრესი გამოცანა ქონდა შესასრულებელი: 1) სიმშვილობის მოსპობა (ლიკვიდაცია), 2) ახალ ეკონომიურ პოლიტიკის შემოღება*) და მისი ცხოვრებაში გატარება და 3) ეკონომიურად ჩვენი ქვეყნისგაძლიერება.

საერთოდ საქართველო ხშირად და ძალიან ხშირად განიცდიდა სიმშვილს. ჩვენში მოსაველიანი მხარეები სიმინდით სამეგრელო და სამტრედიის რაიონია, ხოლო პურითა და ხორბლეულობით—ქართლი, გორის მაზრა.

იანვრიდან შემოდგომამდე ჩვენში სიმშვილობა გამეფდა. გლეხი და მუშა სახელმწიფო დახმარებას ითხოვდა. ამის მიზეზი, რასაკვირველია 1921 წლის მოუსაველიანობა და მრავალი მიზეზები იყო.

სოფელი რჩებოდა უფქვილოდ—ქალაქი უპუროდ—სოფლის მეურნეს დასათესი ხორბალიც არ მოეპოვებოდა. მთავრობამ იკისრა ხალხის დახმარება და ყოველი ღონისძიება მიიღო, რომ სიმშვილი ცოტათი მაინც შეენელებია. დახმარება ეჭირვებოდა განსაკუთრებით დასავლეთ საქართველოს.

დაარსდა სიმშვილობის წინააღმდეგ მებრძოლი კომიტეტი—რომელმაც რუსეთიდან მიღებული ხორბალი ჯერ-კიდევ გაზაფხულზე დაარიგა გლეხთა კომიტეტებს შორის გასანაწილებლად...

აქვე დარიგდა რამდენიმე ვაგონი ფქვილი და სიმინდი.

ასე იყო თუ ისე, ამ ხანამ უმტკივნელოდ განვლო და ყოველი ჩვენგანი გადაჩა იმ საშიშარ ვეშაპს—სიმშვილს, რომელმაც რუსეთს მუსრი გაავლო.

*) ახალი ეკონომიური პოლიტიკა ეწოდება ისეთ ხანას სასახელმწიფოს აღმშენებლობაში, როცა ყველაფერი სამეურნეო ანგარიშზეა გადასული და არავითარი საქონელი ან ნივთი არ მიიღება სახელმწიფო სავაჭროსა, ან ეკონომიურ დაწესებულებებიდან. ე. ი. როცა ყველაფერი შეგიძლია შეიძინო მხოლოდ ფულის მიცემით.

ასე გაჭირვებით მივალწიეთ შემოდგომამდე. უკვე დარბი-
გებულ ხორბალმა თავისი ქნა...

მოწეულ ყანასა და ხორბალს მარტო მეპატრონე ან
დამთესი ვერ დაებატრონა.

გლესი—მეურნე განსაკუთრებულ დებულებებით ვალ-
დებული გახდა ნაწილი თვისი მოსავლისა შემოეწირა მთავ-
რობისთვის სასურსათო კომისარიატის საშუალებით.

აგისრულდა ყოველი სიამე ისე, როგორც ეს ასრულდა...

გაიკრა ქუჩებზე და სოფლის აღმასკომების კედლებზე
ცალკე ბრძანება-დადგენილებები—სხვა და სხვა დამატებით
რომლის ძალით განსაზღვრული ნორმა ხორბლის ან სიმინ-
დისა მეპატრონესაგან უნდა აეღოთ ადგილობრივ ხელის-
უფლების წარმომადგენლებს და ჩაებარებიათ სასურსათო კო-
მისარიატისთვის.

ხორბალ-სიმინდის ასეთ ნება-ყოფით ხარკს ეწოდება
სასურსათო გადასახადი.

ამ გადასახადის აკრეფა სასურველად ჩატარდა და მთავ-
რობას ადგილობრივ შეგროვილი სიმინდი—პური—(ხორბალ-
ლი) სასურსათო კომისარიატის საშუალებით ჩაბარდა არა
ნაკლებ 100% (ასი პროცენტი) პურის სახელმწიფო ფონ-
დის შესაქმნელად.

მიწის საკითხი.

მიწის საკითხის და საზოგადოდ სასოფლო მეურნეო-
ბის განვითარების სათავეში დგას მიწათმოქმედების კომისა-
რიატი. კომისარიატის უმთავრესი მიზანი იყო ზედმიწევნით
განვითარებია მთელი წლის განმავლობაში სასოფლო მეურ-
ნეობის ყოველი დარგი—დანმარებოდა გლესს თავის მეურნე-
ობის გასაუმჯობესებლად და განემტკიცებია მიწის მოხმარე-
ბა—გაყოფა—დანაწილება სოციალისტური სისტემით და უმ-
თავრესად-კი მიწის კანონი უმტკივნელოდ გაეტარებია მთელ
საქართველოში საბჭოთა კონსტიტუციის ძირითად მუხლე-
ბის მიხედვით.

სპეციალურ კომისიის მეოხებით ეს მუშაობა მთელ სა-
ქართველოში უკვე დამთავრებულია. წინეთ არსებულ მიწის

კომიტეტების ნაცვლად ამ ეამად დაარსებულია მიწის შესახებ დავის გასარჩევად სპეციალური ინსტიტუტი.

მიწათმოქმედების კომისარიატი დიდ მუშაობას ეწეოდა აგრეთვე კოლექტიურ მეურნეობის დარგის განვითარებისათვის. იგი იკვლევდა და ამტკიცებდა შემდგარ სასოფლო-სამეურნეო ამხანაგობებს, იმუშავებდა წესდებებს და აარსებდა სასოფლო-სამეურნეო კოოპერატივებს და კომუნებს. ამ სახად დაარსებული იყო 73-დე კომუნა 2338 წევრით.

თითქმის სრულიად გაჩერებულია საახალშენო საქმე, რადგანაც ახალშენები ეწყობა მხოლოდ სამხრეთ და აღმოსავლეთ პერიფერიებში (ნაწილებში—პროვინციებში), სადაც ხალხს ეშინია გადასახლება. სხვა საახალშენო ადგილები რესპუბლიკას არა აქვს. თუმცა უნდა ითქვას, რომ ამ უკანასკნელად ახალშენების და საერთოდ გადასახლების საკითხი უვარგის ადგილებიდან უფრო ნოყიერ და ვაკე ადგილებზე გადაწყდა წლის ბოლოს და მალე ცხოვრებაშიაც გატარდება, რაც ჩვენს სასოფლო მეურნეობას კიდევ უფრო გააძლიერებს.

ამავე წლის განმავლობაში არ დაჯტოვებია უყურადღებოთ კომისარიატს არც სატყეო საქმე. ჩვენ ვიცით, რომ ზოგან ტყეები საშინელ მდგომარეობაში იყვნენ. უპასუხისმგებლო ელემენტების მიერ ტყე ფუჭდებოდა და უდიერი მოპყრობით ნადგურდებოდა. საჭარო იყო მისი გადარჩენა. ამ მიზნით სატყეო განყოფილებამ შეიმუშავა ახალი დებულება, რომლის თანახმადაც ძირიან-ფესვიანად შეიცვალა ტყეების—მართვა-გაგეობის სისტემა და ამ გვარათ ტყეები გადარჩა იმ უჩაღურ მოპყრობას, რომელსაც წინეთ ადგილი ჰქონდა.

ტყის საცდელ-საკულტურო საქმე ჯერ კიდევ დაწყებითი ფაზაშია. ას სფეროში დიდ იმედებს იჭლევთ თბილისის აღმასკომი, რომელიც მთაწმინდის ხრიოკ კალთებზე ტყის გაშენებას ფიქრობს.

შენ. თუ არ გეძინება, უთუოდ გაინტერესებს ისიც, ჩემო ძამიკო, თუ რა მდგომარეობაში იყო გასულ წელს ჩვენი ქვეყნის მოშენებულ—კულტურულად მოწყობილი ბაღები და სახელმწიფო მამულები?

როგორ არა,—წამოიძახა ბავშმა.

— მე ისინი უფრო იმიტომ მიყვარს, რომ იქიდან ვიღებთ ჩვენი ქვეყნის საამაყო ღვინოს „ნაფარეულს“ და ისეთ კარგ და ქორთა ნარინჯებს, როგორიც მე და შენ გუშინ ვიყიდეთ.— დასძინა პატარამ...

უნდა გითხრა, რომ წარსული წლის განმაცლობაში, როცა საბჭოთა აღმშენებლობის დიდი გამოფენა იყო, საცა მე და შენ ვიყავით, ორივე ძალიან განგვაცვიფრა ხელოვნურად მორთულმა ბაღმა, რომელიც ნუნ წლის ჩინელის მიერ იყო მოწყობილი რუსთველის თეატრის აივანზე.

რა გინდოდა, რომ იქ არ იყო: ნარინჯები, ფორთოხლები, ლიმონი, ლერწმის ხეები, სხვა და სხვა ხილეულობა, სხვა და სხვა წვეთეულობა, ღვინო, ნაქსოვი ნოხები და სხვა მრავალი, რომელსაც ამ ჟამად აკეთებს მიწათმოქმედების კომისარიატი და რომლის მიზანია, მის მიერ გაშენებული სახელმწიფო ბაღების ყოველგვარი ხილეულობა ბაზარზედაც გაიტანოს და სხვა ჩვენ გვარ პატარა სახელმწიფოთა შორისაც პირველობა დაიჩემოს. ერთი სიტყვით, შენ უთუოდ გეხსოვება, როგორც ეს გამოფენამ დაგვანახვა, თუ კულტურულ მცენარეების მოშენება საქართველოში რა მკვიდრ ნიადაგზე ყოფილა დაყენებული და მომავალშიაც უეჭველად უკეთესად მოეწყობა და პირველობასაც დაიჩემებს.

მრეწველობა.

— აბა მითხარი შენ რა გააკეთა იმ ვეებერთელა დაწესებულებამ რომელსაც სოფნარხოზი ჰქვია?— ეშმაკურად შემგვითხა ჩემი ძმა ალიკო.

— ჰა, შენ თუკრმე ჩვენი მრეწველობაც განტერესებს? — რატომაც არა. შენ გგონია, მე არ ვიცი რა არის ტრესტი ან სინდიკატი? რატომაც არა. ჩვენი მასწავლებელი ხშირად იმეორებს: თამბაქოს ტრესტი, ღვინის ტრესტი და სხვა. მეც დამაინტერესა ამ ახალმა სიტყვებმა.

— ტრესტი ეწოდება წარმოების ისეთ გაერთიანებას, როცა რამოდენიმე ქარხნის გამგეობა ან მებატრონეები თავიანთ შორის ირჩევენ მთავარმართველ გამგეობას, თვითონ ჰკარგავენ თავიანთ დამოუკიდებელ არსებობას და სავაჭრო-

სამრეწველო საქმეში საერთო წინამძღოლად მიაჩნიათ ტრესტის გამგეობა და წლის ბოლოს საერთო მოგებას თანასწორად იყოფენ.

— მაშ ახლა მიახმე, რა მდგომარეობაში იყო ჩვენი მრეწველობა წარსულ წელს?

— ჩვენს მრეწველობას სათავეში ედგა ე. წ. სახალხო მეურნეობის უმაღლესი საბჭო, ან შემოკლებით რომ ვსთქვათ ს. მ. უ. ს., რომელიც ხელმძღვანელობდა მთელ ჩვენს მრეწველობას. პირველ აპრილამდე ე. ი. ახალ ეკონომიურ პოლიტიკის შემოღებამდე ყველა ჩვენ სამრეწველოს თაოსნობდა ცალ-ცალკე განყოფილებები. შემდეგ კი ახალ ეკონომიურ პოლიტიკის შემოღებისას მთელი ჩვენი სამრეწველო აპარატი შეიცვალა. მათ მიიღეს უფრო ახალი სახე, — ტრესტების სახე — იმ ტრესტისა, რომელიც შენ ასე გიყვარს, — დავსძინე მე. — დაარსდა თამბაქოს, ძირულა-შროშის, ღვინის, სატყეო, საამუშნებლო ტრესტი და კიდევ სხვა. აქვე პარალელურად მუშაობდნენ მრეწველობის სხვა და სხვა გვარის განყოფილებები: — ლითონისა, ტყავის, შავი-ქვის, სავაჭრო და კიდევ სხვა.

საერთოდ ეკონომიურად წრეულს ფაბრიკა-ქარხნებმა და ჩვენმა მრეწველობამ მაინც და მაინც ვერ გამოიჩინა უნარი, რადგან მრავალი ხელის შემშლელი პირობები გადაეღობა მათ. ახალ ეკონომიურ პოლიტიკას ჩვენი ახალი მრეწველები იმდენად მოუშაადებელი შეხვდნენ, რომ იძულებული გახდნენ შესწორებებით ეწარმოებიათ თავიანთი წლიური პროგრამული მუშაობა.

ამ დარგში აღსანიშნავია მხოლოდ ლითონის ბანყოფილების მიერ ჩათახის — (ბორჩალოს მაზრაშია) თუჯის ჩამოსხმელ ქარხნის აღდგენა. იცი, როგორი ძველი ქარხანაა ეს? ძვირად მოიძებნება ისეთი ადამიანი, რომელმაც ჩვენი ქვეყნის ავი და კარგი იცის, რომ არ გაეგონოს ჩათახის თუჯის ჩამოსხმელი ქარხანა.

ჩვენი ქვეყნის ბუნებრივ სიმდიდრეზე დღესაც ნაკლები წარმოდგენა გვაქვს, მის დამუშავებას და მოხმარებას დღესაც ვერ ვაქცევთ ჯეროვან ყურადღებას, მაგრამ ამ ჩვენი ქვეყ-

ნის სიმდიდრე მუდამ მიჰზიდველი და მომხიბლავი იყო უცხოელ კაპიტალისათვის, ევროპიელ მწარმოებლისათვის. საქართველოში სტუმრად მოსული ინგლისელები, ფრანგები, გერმანელები ფულსა და შრომას არა ჰზოგავდენ, რომ აღმოეჩინათ ჩვენში სპილენძი, ქვანახშირი, რკინა და წარმოება გაეჩაღებიათ.

ჩატახის თუჯის ჩამომსხმელ ქარხნის აშენება ერთი იმ მაგალითის მაჩვენებელია, რომ საქართველოს სამთო-მანრო მეურნეობას დიდი მომავალი აქვს და მის დასამუშავებლად უცხო ქვეყნებიდანაც კი მოდიოდნენ წარსულში დაინტერესებულნი პირნი და საქმის მცოდნე ხალხი.

ჩატახის რკინის მარნები ბორჩალოს მაზრაშია, თბილისიდან 75 ვერსის მანძილზე.

თუჯის დამუშავება საქართველოში მოსულ გერმანელებმა იკისრეს. მათ 1860 წელს ააშენეს ქარხანა ორი თუჯის სადნობი ღუმელით და მუშების საცხოვრებელი ბინები.

მაგრამ ჩატახის ქარხანამ სულ ათი, თუ 15 წელიწადი იარსება და შემდეგ კი დაიხურა. უპატრონოდ დატოვებული ის გაოხრდა და გატიალდა; შენობები დაინგრა, თუჯის სადნობი ღუმელი დაიშალა, ქარხნის სიმდიდრე და მანქანების ნაწილები დაიტაცეს... ჩატახის ქარხანა ყველამ მიივიწყა და მის აღდგენაზე მხოლოდ ამ უკანასკნელ 3-4 წელში იფიქრეს.

ეს ქარხანა 50 წლის განმავლობაში უწყურადღებოდ იყო მიტოვებული, დარჩენილი მანქანების ნაწილი და სახელოსნო იარაღები თითქმის მიწაში იყო ჩაფლულ ჩაყვანილი, რომლის მუშაობაში და ამოღება-გაწმენდაში იმ 19 მუშამ მაილო მონაწილეობა, რომლებიც გაგზავნილი იყვნენ ლითონის განყოფილების მიერ. აქვე უნდა შევნიშნო, რომ ლითონის განყოფილების თავმჯდომარემ ბ. კალანდაძემ ამ ქარხნის მოსაგვარებლად და ასაშენებლად დიდი მუშაობა გასწია. ეს ერთადერთი ქარხანაა საქართველოში და მთელ კავკასიაში, რომელიც აღნობს ლითონს, ასხამს თუჯს და საზოგადოდ აწარმოებს ლითონის და თუჯეულობის ყოველგვარ მუშაობას.

მეორე — უფრო დიდი ეროვნული სიმდიდრე — ჭიათურის შავი-ქვის სამრეწველო წყალდიდობამ გაანადგურა, მაგ-

რამ თავის დროზე მიეშველენ, როგორც სახელმწიფო, ისე თვით კერძო აქციონერები—მეპატრონეები და ჩვენი მრეწველობის ეს ფრიად მნიშვნელოვანი დარგი საბოლოო განდგურებას გადაარჩინეს.

აღსანიშნავია აგრეთვე ამ წელს ბევრი ფაბრიკა-ქარხნის შეკეთება და აშენება, რომელთა შორის ღვინის ტრესტის მიერ სახელმწიფო მეექვსე ქარხანაში კრახმალის ქარხნის აშენება, რომელიც კავკასიაში და კერძოდ საქართველოში პირველ კრახმალის ქარხანად იქნება მიჩნეული.

ამ გვარად მრეწველობა და მით უფრო მძიმე ინდუსტრია ან მრეწველობა ჯერჯერობით კიდევ ორგანიზაციის ხანაშია და ვნახოთ მომავალ 1923 წ. რას მივიღებთ.

სახალხო განათლება.

ეს დარგი შენთვის უფრო ნაცნობია. ჩემო კარგო! უნდა ვთქვათ რომ სახალხო განათლების საქმე ჩვენში არას დროს თავის სიმაღლეზე არ მდგარა საერთოდ და კერძოდ-კი ამ დარგის უმთავრეს ნერვს—ხელოვნებას ძალიან ნაკლები ყურადღება ჰქონდა მიქცეული. დღეს-დღეობით ჩვენ აღმშენებლობით ხანაში ვართ, დღეს ყოველი ახალი იქმნება, ყოველ საგანსა თავის ახალი, განსაკუთრებული სახელი აქვს და ამიტომაც სასკოლო დარგაც ამ ახალ სიტყვარს ძალიან დიდი სიამოვნებით ხმარობს. შენ იცი, რომ დღეს ძველი ჩვენი სასწავლებლების სახელი შეიცვალა ტექნიკუმის, შრომის, პროფესიონალური, თვალ-საჩინო, საცდელ-საჩვენებელ სკოლების სახელის წოდებით. ახლია ჩვენთვის ფაბრიკა-საქარხნო სკოლები და მუშათა ფაკულტეტები, საცა უმთავრესად მუშათა და მშრომელ გლეხობის შვილნი იზრდებიან.

იზრდებიან და ვითარდებიან ახალგაზრდები ფიზიკურად „სპარტაკში“. რომელიც გაუქმებულ ტანთ-სავარჯიშო ორგანიზაცია „შევარდენის“ მაგიერ დაარსდა. საერთოდ მთელ ჩვენ განათლების საქმეს განათლების კომისარიატის საშუალებით ბევრი ახალი შეეძინა და მრავალ დარგსაც საღათას ძილი ქაბუკურ სიმარდედ გადაექცა.

ხელოვნებამ პირი იბრუნა; მოეწყო ხელოვნების მოღვა-

წეთა იუბილეები; გამოცოცხლდა თეატრები ახალ სპეციალურ მკოდნე პირების მოწვევით; გარდაიქმნა ქართული სცენა, მან დაამთავრა ორგანიზაციის და შემთხვევით არსებობის ხანა...

ქართულ თეატრმა დაგვიანა, რომ შეიძლება ჩვენი თეატრის აყვავება-არსებობა და მისი წინსვლა ხელოვნების უკანასკნელი სიტყვის მნიშვნელობით.

შეინძრა ჩვენი მუსიკოსები—გამოცოცხლდა ჩვენი ქართული ხორაობი, გაჩაღდა კამათი ქართულ ლიტერატურაში ლიტერატურულ ჟურნალების დაარსების შესახებ.

დაარსა ქართველ მწერალთა გაზეთი „ლომისი“, გაიხსო ბაზარი ქართველ მწერალ-პოეტების გამოცემებით; სახ. გან-კომის სამხატვრო სექციამ გამოსცა მრავალი საბავშო მხატვრულ-ლიტერატურული ნაწარმოები, ჟურნალები და წიგნები: „ჯეჯილი“, „ნაკადული“, „ტყის სურათები“, „ბავშვებს“, „ქიანქველების საოცარი თავგადასავალი“, „საბავშო პიესათა კრებული“, „დედაბერი, ტურა და მელა“ და სხვა.

გაისმა ჩვენ თეატრებში ბავშვების ტაშისცემა—მოეწყო მათთვის წარმოდგენები, ოპერები, რამაც ბავშვები ცირკებსა და ქუჩა-ქუჩა ხეტიალს ააშორა.

დაარსდა ბავშთა—თავშესაფარები, საბავშო სახლები, ბაღები და სხვა მრავალი დაწესებულება, რომლითაც ბავშვები ამჟამად ფართოდ სარგებლობენ და ცოდნა-განვითარებას იძენენ.

თუ რამდენად გაიზარდა სასწავლებელთა რიცხვი ამას გვიჩვენებს სახ. გან. კომის. მიერ შემუშავებული 1921—1922 წლ. ცხრილი, რომელიც სახავს, რომ მთელ რესპუბლიკაში ყოფილა: შრომის სკოლები—1556, ტექნიკუმები—70, პროფეს. სკოლები—18, საბავშო-სახლები და ბაღები—54, საპედაგოგიო კურსები—1, მუსიკალური სტუდიები—9, საფერშლო კურსები—2, მუსიკალური კურსები—1, სამუსიკო სასწავლ.—2, კონსერვატორია—2, უნივერსიტეტი—2. საერთოდ განათლების დარგმა მოგვცა დიდი ცვლილებები: შეიცვალა წიგნის გამომცემლობის, დამსახურებულ ქართველ მწერალ-მასწავლებლების და მოღვაწეების უზრუნველყოფის წესი. მათ, მთავრობიდან სულ 150 პირს, დაენიშნათ მულ-

მივი პენსია 2 მილ. მანეთიდან 3 მილ., მანეთამდის. შეიცვალა გაზეთის (პრესის) შინაარსიც. ის უმთავრესად ემსახურება მუშა-გლეხთა ყოფაცხოვრებას; ყოველდღიურად თვალს ადევნებს ფაბრიკა-ქარხნების მდგომარეობას. მუშების, ახალგაზრდა და მოზრდილ ხელოსნების უზრუნველყოფას სპეციალურ ტენიკურ-კორესპონდენტების საშუალებით და ყოველ საჭიროებას მუშებისას აწვდის მკითხველს გასაცნობად, გაზეთის ასეთ მიმართულებას (პრესაში) ეწოდება ფხიზლად მუშების საღარაჯოზე ყოფნა, რასაც ჩვენი გაზეთები დღემდე მოკლებულნი სრულიად არ არიან.

მუშათა საკითხი.

რადგანაც მუშათა გაზეთებზე შევჩერდით, აქ საჭიროა ორიოდე სიტყვა იმაზედაც გითხრა, თუ როგორ მდგომარეობაში იყო აქამდე მუშათა საკითხი საერთოდ და მუშათა ცხოვრების რომელი დარგია მიჩნეული პირველ-ხარისხოვნად.

პროფესიონალური კავშირები—ეს მუშების მდგომარეობის ეკონომიურად გამაუმჯობესებელი დაწესებულებანი ამჟამად საქართველოში სულ 21-ია 40-ათასამდე შეკავშირებულ წევრით—მუშა-მოსამსახურეებით. პროფესიონალურ კავშირების აღმასრულებელი დაწესებულება, შრომის კომისარიატი, წლის განმავლობაში აგვარებდა მუშათა ხელფასს და უმთავრესად მის მოღვაწეობაში აღსანიშნავია ის, რომ მან შემოიღო მუშა-მოსამსახურეთა დაზღვევა.

მუშა-მოსამსახურეთა დაზღვევა გამოიხატება მასში, რომ ის უზრუნველყოფილია სხვა და სხვა უბედურ შემთხვევის დროს. უმუშევრობის დროს მას ეძლევა დახმარება ფულით, აჯადმყოფობის დროს მოვლით, წამლობით და სხვა.

— რა შემთხვევაში ეძლევა მუშას დამზღვევ კასიდან დახმარება?—შემეკითხა პატარა...

— მუშის აჯადმყოფობის, დასახიჩრების, სიკვდილის, უმუშევრობის, დავრდომილობის, ორსულობის, მშობიარობის და მუშა-მოსამსახურის უგზო-უკვლოდ დაკარგვის დროს. როგორც ხედავ, ეს რვა ფორმა დაზღვევისა უბედურ შემთხვევის დროს დიდად უმსუბუქებს მუშას მდგომარეობას.

აქვე უნდა გითხრა, რომ ამ დამზღვევ კასას აგრეთვე დიდი ღვაწლი მიუძღვის ქაობიან ადგილების ამოშრობაში.

ამ ქამად თბილისში—საბურთალოზე და ფოთის რაიონში, ქალაქების ახლოს, დიდი მუშაობა წარმოებს ქაობების ამოსაშრობად ქართველების მოუცილებელ ავადმყოფობის მაღარის (ციებ-ცხელების) აღმოსაფხვრელად, მისმოსასობად.

ციების წინააღმდეგ საბრძოლველად ჯანმრთელობის კომისარიატს, თბილისის აღმასრულებელ კომიტეტს და სხვა დაწესებულებებს უკვე მიღებული აქვთ ენერგიული ზომები და იმედია ქაობიან ადგილების ამოშრობა მალე დასრულდება და ციებასაც და მის გამავრცელებელ მწერს, კოლოს, სამუდამოდ გამოვეთხოვებით.

საქართველოს 1922 წლის მცხოვრებთა აღწერა.

ამავე მიზნით, მცხოვრებლების რიცხვთან ერთად რომ გამოჩვენებული ყოფილიყო სწეულთა და ჯანმრთელ მცხოვრებთა რიცხვი, საქართველოში არსებულ ცენტრალურ სტატისტიკურ სამმართველოს (ცესუ) მიერ 1922 წელს, დეკემბრის შუა რიცხვებში, მოხდა საქართველოს ქალაქების მოსახლეობის აღწერა.

აღწერა ჩატარდა უმეტყიენელოდ 35 ქალაქში. ჯერ-ჯერობით არ არის გამოჩვენებული მათ შორის სწეულნი, ჯანსაღნი და სქესობრივ-ეროვნული შემადგენლობა, მაგრამ ამის გაგებას მომავალშიაც მოვესწრებით.


ზემო-ავჭალის ელექტრონის სადგური.

ზემო ავჭალის წყალ-სადენი—ეს სახელი ალბად მრავალჯერ ამოგიკითხავს გაზეთებში, ჩემო ალიკო, ლაპარაკშიაც მოპკრავდი ყურს, მაგრამ ალბად არ იცი, რაშია საქმე და რას ნიშნავს ყველაფერი ეს!.. ბოლოს გადასახადებიც შეაწერეს ხალხს და განსაკუთრებული დეკრეტიც გამოიცა მთავრობისა ამის შესახებ. ასასივით დაადგენ ხალხს თავზე—გინდა თუ არა დაივიწყე გოზინაყზე და ჩურჩხელებზე ფიქრი, ახალ წლის შეხვედრა იქით გადასდე, ჯერ 31 ქრისტეშობისთვემდე გადაიხადე აუცილებლათ ეს გადასახადი და შემდეგ იქეი,

ფეო!.. ბოლოს და ბოლოს ხალხმა ვაიგო, რომ ამ ფულის შეგროვებას რაღაც დიდი დანიშნულება აქვს. გამოირკვა, რომ მცხეთის ხიდს ცოტა ქვევით, მტკვრის მარცხენა ნაპირზე, დიდ ტრიალ მინდორზე, დილომის ველის მახლობლად უნდა გაიმართოს საელექტრონო სადგური — ავქალის წყალსადენი, საიდანაც გადმოვა არხი და მოველიწება დილომის მინდვრებს გულის დასალბობად, მოსარწყავად. ეს არის უკეთესი და მასთან მთელი წლის განმავლობაში ის დაუზოგავი მუშაობა, რომელიც საქართველოში წარმოებდა სხვა და სხვა არხების გასაყვანად: ახალციხე-ახალქალაქში, დილომის ახლო გორის მხარეში, სამეგრელოში ცხენის-წყლის საშუალებით და სხვაგან ახლო მდებარე სხნაე-სათეს ადგილების მოსარწყავად და გვალვის შედეგების ასაშორებლად, რასაც ხშირად დასავლეთ საქართველოს მცხოვრებნი შიმშილის კარამდე მიჰყავს.

ამას 1923 წელში უსათუოდ ბოლო მოეღება და ჩვენც უფრო დაშვადებით, გარკრებულ იმედებით მომავალ ახალ წლის წინ დაქვს ვიქსლათებთ 1923 წლის ნაყოფიერ მუშაობის შესახებ.

— ყველაურს შექსილებთ, ყველაფერს! წინ ვერაფერი დაგვადგება! — წამოიძახა ჩენმა ძმამ და თავი საბანში შეკყო.
სანტლეი.





წ ვ რ ი ლ მ ა ნ ი .

ზ ა რ ა დ ე ბ ი .

I

(წარმოდგენილი პ. ნიორაძისაგან)

რაც ღამე ფრინავს და ჰკივის,
მაზე უხმოთი მიაბი,
რაც ნაყიდში წინ მიეც და
ვაჭრის ხელში თავი აბი;
დაუმატე რაც სჭირდება
კარის საკეტათ სოფლელსა
და ერთად—დიღზე მოზრდილსა
უწოდებს ენა ზესკნელსა.

II

პირველი—მცირე რიცხვაა,
ბოლო მოვწყვიტოთ, აქვს მრუდი;
მეორის—გაგონებაზე
გლებმა მოიხადა ქული.
(ჩვენ მის ბოლო ხმიან ასოს
გაუკეთოთ მოგძო კული)
და მესამე—მკის დროს ვნახე
ძნებისთვის არ იყო ცული;
ერთად—ხალხის სანოვავე
მასშიდაა დანაბული.

გ ა მ ო ც ა ნ ა.

თავის სატეხი.

(წარ. გ. ნადირაშვილის მიერ)

ქვემოლ მოყვანილ კითხვებს უპასუხეთ და პირველი ასოები შეაერთეთ.

- 1) საქართველოს ერთ ერთი ნაწილი.
- 2) აღამიანს თუ არ ექნება ის, ვერ ილაპარაკებს. რა არი?
- 3) პატარა წყალი.
- 4) მოჭრილი დიდი ხე.
- 5) ანბანის პირველი ასო.
- 6) ხოლერის ასაცილებელი მცენარე.
- 7) რას წარმოადგენს ქართველობა.
- 8) ქართველების საყვარელი დასაკრავი.
- 9) კახეთის მდინარე.

აწითმეტეკული გამოცანა.




შეიძლება რომ ზოგჯერ 20 გამოვაკლოთ 22 და მივიღოთ 88.







რეპუსები.

(წარმოდგენილი მის. გერმანიუვილის მიერ).

I

	20,	<p>ღვინის დანალექი შეავე</p>	
	<p>ი ს</p>	<p>წელიწადის მეთორმეტე ნაწილი</p>	<p>ი ს</p>

II

	წას	<p>შუბა</p>	ძ	
	ე	წი		<p>ვ ა ბ გ დ</p>

.....